

雲間志序

華亭為今壯縣生齒繁夥財賦浩穰南距海北
瀕江四境延袤視偏壘遐障所不逮質之寰宇
記輿地廣志元和郡國圖志僅得疆里大畧至
如先賢勝槩戶口租稅里巷物產之屬則闕焉
前此邑人蓋嘗編類失之疏畧續雖附見於嘉
禾志然闕遺尚多

觀覽余謬領是邑雖日

困於簿書期會而此心實拳、今瓜代有期不
加討論以詔來者則鞅、不滿若將終身焉於
是 邑之博雅君子相與講貫疇諸井里考諸
傳記質諸故老有據則書有疑則闕有訛則辯
凡百里之風土粲然靡所不載至若前輩詩文
散落於境內者非一姑撫南渡以前者附於卷
末書成而鋟墨公帑匱而莫能舉又得邑之賢
士大夫鳩工助成是書也雖一邑之事未足以
廣見聞異時對友朋則可以資譚塵事



君父則可以備顧問孰謂其無補歟
紹熙癸丑仲冬日奉議郎特差知秀州華亭
縣主管勸農公事兼兵馬都監兼監鹽場主管
堰事借緋楊潛謹序

雲間志目錄

卷上

封域

城社

坊巷

學校

姓氏

廨舍

倉庫

橋梁

人物

卷中

僊梵

祠廟

水

冢墓

道里

鎮戍

鄉里

版籍

物產

場務

稅賦

亭館

古跡

寺觀

山

堰閘

知縣題名

卷下

進士題名
特奏名附

賦

墓誌

序

銘

祭文

詩記說箴

雲間志三卷以紹熙四年六月編次十月書成
預纂修者書氏名于左

從事郎新差監行在太平惠民南局朱端

常

迪功郎新信州州學教授林至

迪功郎新饒州州學教授胡林卿

奉議郎特差知秀州華亭縣主管勸農公事

兼兵馬都監借緋楊潛

雲間志卷上

封域



華亭在禹貢為揚州之域在周為吳地吳滅入越越滅入楚秦併天下分三十六郡始屬會稽郡漢世因之順帝永建四年分浙江以東為會稽郡西為吳郡華亭雖吳郡地猶未見之史傳孫氏霸吳盡有其地建安二十四年封陸遜為華亭侯始見之吳志矣晉宋齊梁未之改易隋

平陳始置蘇州迨唐天寶十年以華亭為縣屬

蘇州治按新史寰宇記以為本嘉興縣地輿地

廣志以為本崑山縣地

崑山即漢婁縣梁大同初易今名元和

郡圖志云吳郡太守趙居貞奏割崑山嘉興海

鹽三縣為之今邑之四境與三縣接郡國圖志

為不誣矣僖宗入蜀群盜槃結王騰據華亭唐

寶傳王教據崑山王驍騰據華亭寶練平自守周發杭州兵戍縣鎮按僖宗幸蜀則中和元年也

其後吳越王錢鏐遣顧全武拔之自此地入吳

越按九國志顧全武平嘉興取崑山雖無拔華

乙未拔松江戊戌拔無晉天福五年以嘉興縣

錫辛丑拔常熟華亭按置秀州五代史云晉

為秀州而割華亭隸焉天福中寰宇記以為四

年吳越備史五年三月敕并嘉興為州而以平

華亭及所置崇德隸焉則是備史年月差詳云

至于縣之得名通典寰宇記云地有華亭谷因

以為名按陸遜傳遜初封華亭侯進封婁侯次

江陵侯漢法十里一亭十亭一鄉萬戶以上或

不滿萬戶為縣凡封侯視功大小初亭侯次鄉

縣郡侯以遜所封次第攷之則華亭以漢故亭

畱宿會之所也漢亭二萬九千六百六十五吳

新城亭今縣有華亭鎮印或者遂謂自鎮為縣

之類類不知所謂鎮者唐因隋志制置鎮將副以掌捍

防守禦之事縣之冗職耳通典隋置鎮將副其

中下新史以防唐秀五代或用土豪小校為之

子多寡分之舉吳郡屬縣崑山常熟華亭海鹽吳江皆有鎮

將以泆海防禦之處九域志楊行密吳越王相

攻取崑山常熟國初鎮將雖存而縣令及尉實掌

熟鎮是也

其權續通鑑據國史本志會要趙韓王行狀五
于州縣吏失職建隆三年詔盜賊聞訟縣令及
尉領之各置弓手而鎮將止統在縣太平興國
中用本州牙吏耳時華亭在吳越祥符圖經載
雖未歸土而廢罷鎮將蓋始于此
鎮在西南二百步而元豐九域志則廢矣按祥符圖
經崑山鎮在縣東一里常熟鎮在南縣二百步
吳江鎮在縣下九域志皆廢元祐間太史范公
祖禹奏議曰祖宗分天下為十八路置轉如自
運使提點刑獄收鄉長鎮將之權歸於縣如自
鎮而為縣則新史輿地志諸書不應畧而不言
也若夫雲間之名則自陸士龍對張茂先所謂

雲間陸士龍一語云

道里

邑之四垂祥符舊經書之祥詳矣至於去州遠
近考之元和郡國圖志元豐九域志不能無少
異者蓋元和云百七十里舉蘇州而言也元豐
云百二十里舉秀州而言也若夫四止八到大
抵皆水程云

縣境東西長一百六十里南北闊一百七十三

里東至海八十里西至平江府長洲縣界八十里南至海九十里以小官浦為界北至平江府崑山縣界八十里東南到明州界九十里西南到海鹽縣界六十里兩縣相去一百二十里東北到平江府崑山縣界一百十里兩縣相去一百三十里西北到平江府崑山縣界一百五十里兩縣相去二百里

城社

縣之有城蓋不多見華亭邑于海墻或者因戍

守備禦而有之紹興乙亥歲酒務鑿土得唐燕胃婁朱氏墓碑以咸通八年定于華亭縣城西一里鄉名修竹是唐之置縣固有城矣廢興之由莫得而詳疆域尚髣髴可識云

縣城周回一百六十丈高一丈二尺厚九尺五寸

古城在縣西南六十里按祥符圖經載古城今未詳所在社壇在縣西北二里

鎮戍

華亭襟帶江海上而吳晉近而吳越嘗築城壘
置防戍所以控守海道者至矣今沿海鎮寨倍
于他邑是亦捍制上流之意云

青龍鎮去縣五十四里居松江之陰海商輻輳
之所鎮之得名莫詳所自惟朱伯原續吳郡圖
經云昔孫權造青龍戰艦置之此地因以名之
國朝景祐中置文臣理鎮事以右職副之今止

文臣一員

政和間改曰通惠

高宗即位復為青龍云

管界水陸巡檢司在青龍鎮中

金山巡檢司在縣東南九十里

戚滌巡檢司在縣東南一百里

杜浦巡檢司在縣東北七十里

坊巷

坊巷之名皆因俗之舊非有遺迹故事也今生齒繁阜里閭日闢所誌者特存其舊耳顯善勸義二坊則令楊潛因邑人之孝義者特表之以感化里俗云

石獅巷在縣東一百二十步

石條巷在縣東六十步

倉橋巷在縣東一百步

郭門巷在縣東一百七十步

鹽倉巷在縣西二十步

廣明橋巷在縣西四十步

前巷在縣西六十步

後巷在縣西八十步

亭橋巷在縣西一百三十步

東私路巷在縣西二百五十步

西私路巷在縣西二百六十步

福順廟巷在縣西三百步

莫家巷在縣西三百五十步

竹木巷在縣南二十步

城隍廟巷在縣南五十步

廂巷在縣南六十步

金山忠烈廟巷在縣南七十步

石碑巷在縣南八十步

紀家巷在縣東南一百三十步

毬場巷在縣東南一百五十步

石幢巷在縣西南一百五十步

童家巷在縣西南一百八十步

陸家巷在縣西南二百三十步

邱家灣在縣東北一百八十步

田家灣在縣西南三百五十步

顯善坊在縣東南二百五十步

勸義坊在縣西南五百四十步

鄉里

按祥符圖經元豐九域志華亭管十三鄉寰宇
記云舊十三鄉今十七鄉考縣之諸鄉與舊經
九域志同然唐顧府君墓誌葬北平鄉邱府君
墓誌葬昌唐鄉以道里考之北平今北亭也昌
唐今仙山也又舊傳修竹本谷陽鄉三者廢易
年月未詳

集賢鄉在縣西北二十里三保五村管里四

集賢 萬安 美賢 清德

華亭鄉在縣東北四十三保七村管里二

華亭 旗亭

修竹鄉在縣西九十里三保十二村管里三

濮陽 儀鳳 驅塘

胥浦鄉在縣西南五十里三保九村管里五

胥浦 壇浦 平江 朱涇 治

風涇鄉在縣西南六十里三保八村管里三

風涇 涂繆 養民

新江鄉在縣北七十里四保十二村管里二

新江 崧宅

北亭鄉在縣東北八十里四保十六村管里三

崧子 北亭 封林

海隅鄉在縣西北九十里四保十一村管里二

蘊土 漢成

高昌鄉在縣東北一百二十里九保十五村管

里四

高昌 盤龍 橫塘 三林

長人鄉在縣東九十里六保十二村管里三

長人 將軍 高陽

白砂鄉在縣東南一百二十里三保十村管里

三

白砂 九稜 橫林

仙山鄉在縣東南三十里三保六村管里六

仙山 顧亭 新涇 柘湖 少平 臨湖

雲間鄉在縣東南一百里四保十村管里四

招賢 白亭 雲間 小平

學校

學舊有記五嘗攷其本末天禧間有夫子廟而已湫隘庠陋旁不可為齋館後六十有五年陳侯謚始欲興學邑人衛公佐公望獻縣之東南地且自度殿材為買國子監書以資諸生如是數年至令劉鵬始克就緒學之成其難也如此紹興以來楊壽亨周極待其銓相繼修之令學舍整好什百具備學糧租錢視他處為厚

國家所以養士者可謂無負矣

在縣東南二百步堂曰明倫齋五居仁由義隆

禮育才養性堂舊名進德今

版籍

華亭置縣始於天寶唐史志地里蓋舉天寶之盛而言之蘇州所統縣七今秀州之地皆屬也

其為戶七萬六千四百二十口六十三萬二千六百五十

國朝九域志所載秀州四縣之籍戶十三萬九千一百三十七視唐蘇州七縣之數幾倍之矣華亭一邑舊圖經所書主戶五萬四千九百四十三今見管戶九萬七千

姓氏

左太冲吳都賦云其居則有高門鼎貴魁岸豪傑虞魏之昆顧陸之裔注謂虞魏顧陸皆吳之貴姓陸士衡吳趨行云八族未足侈四姓實名家注引張勃吳錄曰四姓朱張顧陸也按虞魏朱張槩為吳郡人而顧陸特華亭著姓洪慶善世說敘錄述吳郡顧氏而別族者三莫知其世次野王則其一也陸氏則自漢之東世為名族吳晉以來或以功業顯或以才學稱以唐宰相世系攷之玩之子始號大尉枝其後有元方象

先希聲瑁之孫瓘號侍郎枝其後曰贇曰辰此
其源流遠矣

物產

華亭負海枕江原野衍沃川陸之產兼而有焉
李翰屯田紀績頌謂嘉禾在全吳之壤最腴且
有嘉禾一穰江淮為之康等語今華亭稼穡之
利田宜麥禾陸宜麻豆其在嘉禾之邑則又最
腴者也縣之東名鶴窠舊傳產鶴故陸平原有

華亭鶴唳之嘆瘞鶴銘謂壬辰歲得於華亭劉
禹錫鶴嘆詩序亦云白樂天罷吳郡挈雙鶴雛
以歸翔舞調態一符相書信華亭之尤物也太
平寰宇記稱華亭谷出佳魚蓴菜陸平原所謂
千里蓴羹意者不獨指太湖也其有資於生民
日用者煮水成鹽殖蘆為薪地饒蔬茹水富蝦
蟹船貨所輳海物惟錯茲土產大畧也寰宇記
又於崑山縣載吳地記云石首魚冬化為鳧小

魚長五寸秋社化為黃雀斯言固涉迂恠然今
華亭亦多野鳧棟始華而石首至霜未降而黃
雀肥豈非縣本崑山之地故歟

解舍

縣有宰貳而下邑僚凡十五員四塩場四巡檢
之居邑外者不與焉公宇之視他邑亦盛矣舊
有提舉市舶解舍在縣之西乾道二年併舶司
歸漕臺今廢縣治在市東北五十步因大門為
之樓其

手詔亭頒春亭皆在門外之東徧正廳之前因
中門為

勅書樓架閣有東西樓在兩廡間東廡分列諸
吏舍西廡則諸庫分隸焉

縣丞解舍在縣西一十步

主簿解舍在縣西七十步

縣尉解舍在縣東二百三十步

監鹽廨舍在縣西南三百步

監酒廨舍在縣西三百步

造船場官廨舍在縣西南五百四十步

市舶務監官廨舍在縣西南二百九十步

監稅廨舍在縣西七百一十步

支鹽官廨舍在縣南二百一十步

場務

利之在官者輕為之名色則其後卒不可去為

他日無窮之弊邑之版帳其初已難辦紹興間

為邑者額外釀酒以求辦其數州家以為擅其

利也盡拘為月椿於是酒額幾倍前日歲未免

敷之於民乾道中始議蠲減而以南四鄉苗稅

折錢補之若夫減民生日用之稅則自高宗紹

興以來而然版帳本州坐下一歲錢二十一萬

九千五百二十六貫五百文而諸色泛拋主管

司縣官俸給支遣不預焉酒務清煮界租額六

萬六千二百五十貫一百四十八文

適年趨辦一十一萬五百八十九貫一百六十

文

稅務租額六萬一千七百一十三貫七百七十

四文

自紹興以來捐柴薪麥麩等稅外歲合趨辦四

萬八千四百六十三貫七百七十四文

住賣茶適年九十萬一千七百一十九斤

住賣鹽適年六十九萬九千九百斤

住賣香適年三十二斤一十一兩一錢

住賣礬適年一千八百五十斤

鹽監統縣租額五十四萬七千三百四十九碩

九斛九

勝五合

酒務在縣西五百九十步

平準務在縣西今廢

稅務在縣西七百步

東稅務在縣東八百步

市舶務在縣西六百步

造船場在縣西南五百四十步

金山稅場在縣東南九十里

浦東鹽場監官廨舍在縣南七十里

浦東場在縣南七十里

金山場在縣東九十里

遮山場在縣東七十里

柘湖場在縣南七十里

橫浦場在縣南七十里

袁部鹽場監官廨舍在縣東南一百里

袁部場在縣東一百里

六鶴場在縣東九十里

橫林場在縣東一百里

蔡廟場在縣東南一百里

戚滌場在縣東南一百里

青村鹽場監官廨舍在縣東九十里

青村南鹽場在縣東九十里

青村北鹽場倉在縣東九十里

下砂鹽場監官廨舍在縣東南九十里

下砂南場在縣東南九十里

下砂北場在縣東南九十里

大門場在縣東南一百里

杜浦場在縣東南八十里

南澹鹽場在縣東北一百二十里去縣既遠江

灣場受納人戶產稅則屬本縣

倉庫

^秀季屬邑四而華亭祖賦視他邑為最歲盡歸於

郡倉無復輸於邑者昔劉發記濟民倉謂民之

輸於州者以為勞我願築倉於縣以時其入今

也不然豈時異而不同耶事鹽倉三本屬常平茶

鹽司因附書焉

濟民倉在縣西湖之東北嘉祐八年建

常平倉在縣南一百五十步元佑元年建乾道

八年廢併入濟民倉今為支鹽官廨舍

北鹽倉在縣西北三十步

西鹽倉在縣西湖之東乾道七年廢併入北鹽

倉

支鹽倉在縣西北三十五步乾道六年閏五月

奉朝 旨移置本縣

轉般倉在縣東南三十六里張涇堰之下乾道

八年置專為浦東運鹽設也

諸色官錢庫在縣治之西廡

稅賦

諸鄉稅租輕重大畧與隣邑無大相過若夫雲
間仙山白砂脊浦四鄉歲輸秋租獨為緡錢者
自鹹水為害四鄉皆為斥鹵之地乾道中既築

堤堰民漸復業會邑人以酒額虛數告病時參
政錢公良臣請于朝乞捐減酒額且以南四鄉
租稅償之苗碩為錢三千省視北九鄉稍優惟
是隸於版帳月解之數民未免先期而輸亦其
勢然也

夏稅

一十五萬三千三百五十三貫一百十五文

秋苗

粳米一十一萬二千三百一十六碩九斗一

勝四合六勺一抄

橋梁

跨川為梁澤國居多故吳中三百九十橋見於
樂天篇詠所從來舊矣華亭環邑皆水須橋以
濟且以顧會一浦觀之紹興乙丑歲浚治此浦
于河之東建石梁四十有六他可知已今縣治
之內紅石甃壁若架本木而成者數踰七十不

可殫紀姑舉通衢之高大者揭名如左

縣橋在縣南一十步

市橋在縣西三十步

舊米倉橋在縣東二百二十五步

震橋在縣東二百三十五步其上飛宇翼然俗

呼為東亭橋又名虹橋政和間邑宰姚舜明

謂主位頗虛作亭以鎮之

郭門橋在縣東二百三十步

廣明橋在縣西二十步

望雲橋在縣西七十步

大吳橋在縣西北二百五十步

妙明橋在縣西北二百五十八步

西亭橋在縣西北_市二百八十步飛閣於上今名

麗澤橋

一

普照寺橋在縣西二百八十步

悅安橋在縣西四百八十步側鑄一佛字稍大
俗呼佛字橋

坊橋在縣西五百九十步

平政橋在縣^西六百二十步

長壽橋在縣西七百五十步

太平橋在縣西南五百四十步

合掌橋在縣西南四百一十步

德風橋在縣西南四百七十步

瑁湖橋在縣西南五百步在陸瑁養魚池西南

即今之西湖

沙家橋在縣西南四百步

丁行橋在縣西南二百七十步

三橋在縣西南二百五十步

鳳凰橋在縣西南二百九十步

新橋在縣南二百八十步

迎仙橋在縣東南四百步

望仙橋在縣東南四百步

米市橋在縣東南三百三十八步

莊老橋在縣東南二百五十步

居士橋在縣西北三百五十步

東榮橋在縣東七百二十五步

張塔橋在縣東八百十步

明星橋在縣東一千一百十步

永安橋在縣西北三百七十步

淨土橋在縣東南四百十步

通利橋俗名俞塘在縣東北五里以下四橋在

縣之外

安就橋跨古浦塘在縣西三里俗呼跨塘橋

通濟橋在縣西南四十八里跨古泚俗謂泚橋

長六百尺廣一丈

鳳凰橋在縣西北二十七里跨顧會浦西接鳳

凰山之尾

古鳴鶴橋在縣東北岡身吳越武肅王錢氏造
華嚴院于此今呼為北板橋

亭館

古者君子必有游息之所舒廣其視瞻清寧其
心志非以為觀美也邑之亭館無幾廢者不復
興存名稱屢易而棟宇勿治其暇為觀美哉姑
志之以俟後之思舊者

芳蘭堂

縣治之中堂政和中令姚舜明為之記

思齊堂

舊曰弦歌堂在縣治之東朱之純集有縣齋
詩序元祐庚午冬令彭城劉鵬新其堂曰弦
歌亭三山閣曰良閣今日思齊未詳改易年
月

東堂

舊曰三山堂在縣之東偏亭下有三山在水

中朱之純有三山亭詩即此也其後有改曰
貽年者紹興中陳祖安為令溫大著革為易
今名溫有東堂詩鳴琴拂榻此遊衍作詩何
止誇釐年即此堂也

招鶴亭

舊曰艮閣在縣東偏朱之純艮閣詩畫閣栽
然冠羣巒更瞻艮地特嶺岼今日招鶴未詳
改易年月

盡心堂

在縣治西偏莫詳建立年月初政和間姚舜
明為邑撫摩其民無所不盡其敬嘗以元豐
斷獄之制書而揭之獄乾道八年令陳
岫始移置堂之中榜曰盡心蓋取吾夫子所
謂刑者例也例者成也一成而不可變故君
子盡心焉之意且自為之記其後葉仲英始
改曰琴堂

思堂

在丞廳本舊鹽監章察質夫為鹽監官作思堂于公宇東坡及質夫族人望之為記今廢

棲鸞

在簿廳東偏乾道元年簿鄭茂建

公餘風月

在簿廳後嘉定九年簿四明陸廔建

折桂閣

在尉廳之中天聖四年秉義即縣尉江炳建右文殿修撰李公夔元豐初為尉時生大丞相忠定公綱於此俗因呼為相公閣淳熙十一年尉巫清允改曰折桂今廢

夢燕堂

嘉定十二年尉鄱陽洪憫即相公閣之故基建堂於其上取唐張燕公事榜以今名

西亭

在尉廳西偏皇祐四年秋鄭方平造紹興間
太師嗣秀王伯圭為尉時重建後尉丞清允
再修改曰易春繼復傾圮扁榜不存嘉定十
三年尉洪僦復新之仍立舊名

逃禪

尉丞清允建後廢嘉定十三年尉洪僦拭東
廡一室以舊名榜之

敬齋

尉丞清允建後廢嘉定十三年尉洪僦闢夢
燕堂之西揭以舊名

梅館

在縣廳西偏淳熙四年尉李昌建

風月堂

在舊船司前嗽瑁湖水光風月在几案間蓋
一勝致也初毗陵胡公承美為之名蓋取白
樂天水檻虛涼風月好之語後鄱陽洪君邦

佐始葺而新之曾文清公幾有詩曰雖多不用一錢買縱少足供千首詩今廢

湖光亭

在舊船司風月堂之西偏曾文清公幾有詩曰一天倒影澄秋色萬頃浮波浸月華今廢亦足堂

在造舡場乾道元年孫紹遠創且記

雲間館

在縣西六百步建炎二年建今廢

濯纓亭

在縣南一十步紹興三年建

谷陽亭

在縣西門外五里乾道七年令堵觀建

人物

雲間人物自東漢有聞焉陸康之祖續以獨行善之祖閔建武中為尚書令范史稱會稽吳

人世為族姓溯而上之十一世祖陸烈為吳令
豫章都尉葬于胥亭子孫遂為吳人此則机雲
先世也推而下之玩之元孫慧曉任齊終輔國
將軍自玩至其孫万載世為侍中皆有名行時
人方之金張慧曉三子僚任倅並有美名時謂
三陸慧曉兄子曰閑為揚州別駕四子厥絳完
襄完生雲公中書黃門即其後有曰瓊曰玟曰
瑜曰玠曰琛者皆閑之裔史各有傳俱云吳人
雖為陸氏子孫然安知其悉居華亭耶按劉瓛
至吳聞張融與慧曉並宅其間有池命駕往酌
則慧曉已居吳麗矣舊圖經嘉禾志所載人物
止及冢墓之在茲邑者而顧野王陸禕廼闕不
著今倣其舊而補所遺焉唐錢起考功送陸贄
擢第還蘇州詩云鄉路歸何早雲間喜擅名又
云華亭養仙羽計日再飛鳴據雲間華亭等語
則宣公之先疑亦有華亭居者然宣公生于天

寶以後史傳稱嘉興人故不復載若廼
聖朝人材之盛未易遽數有

國史家傳在特書不一書尚竢來者

後漢陸康字季寧吳郡吳人少仕郡以義烈稱
舉茂才除高成令以恩信為治寇盜亦息光
和元年遷武陵太守轉守桂杜陽樂安二郡
所在稱之拜廬江太守申明賞罰破賊黃穰
等吳帝嘉其功拜康孫尚為郎中少子績

吳陸績字公紀幼年曾謁袁術懷橘墮地者也
容貌雄壯博學多識星麻算數無不該覽孫
權辟為奏曹掾以直道見憚出為鬱林太守
加偏將軍雖有軍事著述不廢

陸遜字伯言祖紆敏淑有思學守城門校尉父
駿淳懿信厚為邦族所懷官至九江都尉遜
少隨從祖廬江太守康在官袁術與康有隙
將攻康遣遜及親戚還吳遜年長於績為

之綱紀門戶呂蒙謂孫權曰陸遜意思深長
才堪負重觀其規慮終可大任權乃召遜拜
偏將軍右部督代蒙屯陸口後克公安南郡
拜撫邊將軍封華亭侯是歲建安二十四年
也又以功進封婁侯黃武元年為大都督大
破劉備于夷陵赤烏七年為丞相卒追謚昭
侯

陸抗字幼節遜子也建興元年拜奮威將軍建
衡二年都督信陵西陵夷道樂鄉安安諸軍
事治樂鄉鳳凰元年晉車騎將軍羊祜率師
向江陸抗棄江陵赴西陵破走晉荊州刺史
楊肇遂陷西陵貌無矜色謙冲如常故得將
士歡心抗告其邊戍各保分界于是吳晉之
間餘糧栖歆而不犯牛馬迭而入境可宣告
而取抗與祜有僑札之好二年拜大司馬荆
州牧卒子晏景玄机雲分領抗兵景字士仁

拜騎都尉封毗陵侯偏將軍深負好學著書
數十篇

陸凱字敬風丞相遜族子也黃武初為永興諸
暨長所在有治迹拜建武都尉領兵雖統軍
衆手不釋書五鳳二年拜偏將軍封都鄉侯
盪魏綏遠將軍征北將軍鎮西大將軍進
封嘉興侯寶鼎元年遷左丞相乃心公家義
形於色表疏皆指事不飾忠懇內發建衡元
年卒

陸瑁字子璋丞相遜弟也少好學篤義州郡辟
舉皆不就嘉禾元年公車召拜議郎選曹尚
書孫權欲新征公孫淵瑁再上疏諫權嘉其
詞理端切遂不行子喜字文仲亦涉文籍好
人倫吳選曹尚書晉散騎常侍

陸禕凱子也為黃門侍郎偏將軍凱亡後入為
太子中庶子華覈表薦禕曰禕體質方剛器

翰疆固華率之才魯肅不過在戎果毅臨時
有節初孫皓常銜凱數犯顏忤旨又陸抗時
為大將故以計容忍抗卒後竟徙凱家於建
安天紀二年與從弟式召還建業復將軍侯
按征北將軍陸禕墓碑云字元容赤烏六
年徵宿衛即中後遷立義都尉五官即中騎
都尉遷黃門侍郎封海鹽侯晉平南境爾乃
撫戎入賓皇儲而吳志止附見凱傳凱嘗為

征北將軍至于天紀二年陸禕召還建業復
將軍侯乃見於陸胤傳末豈禕亦嘗襲封征
北侯于海鹽天紀中復其舊爵而史失其傳
耶

晉陸機字士衡吳郡人也父抗吳大司馬機身
長七尺其聲如鐘少有異材文章冠世伏膺
儒術非禮不動抗卒領父兵為牙門將後成
都王穎討長沙王乂假機後將軍河北大都

督為孟玖等譖于穎言其有異志使牽秀密
收機秀異機釋戎服著白恰謂秀曰成都命
吾以重任辭不獲已今日受誅豈非命也因
與穎牋詞甚悽惻然而歎曰華亭鶴唳豈可
復聞乎遂害于軍中

弟雲字士龍六歲能屬文性清正有才理少與
兄機齊名雖文章不及機而持論過之號曰
二陸幼時吳尚書廣陵閔鴻見而奇之曰此

兒若非龍駒當是鳳雛年十六舉賢良吳平
入洛成都王穎表清河內史後上雲使持
節大都督前軍為孟玖所怨穎殺之

晉陸曄字士光吳郡吳人也少有雅望從兄機
每稱之曰我家世不乏公矣元帝鎮江左辟
為祭酒太子詹事時帝以侍中皆北士宜
兼用南人曄以清正著稱遂拜侍中徙尚書
領州大中正明帝即位累遷至錄尚書事加

散騎常侍成帶踐祚拜光祿大夫後因歸以疾卒贈侍中謚曰穆

陸玩字子瑤曄弟也器量淹雅弱冠有美名尚書左僕射領本州大中正及蘇峻反遺玩與兄曄俱守宮城玩潛說康術歸以功封興平伯轉尚書令又詔授左光祿大夫開府儀同三司加散騎常侍

陸監字始明璩之子少而隱方直抗烈除後將軍司馬以功封西陽亭侯

陸景文字叔辯初為安吉令遷太守卒

陸宏績之子長會稽南郡都尉

顧野王字希馮吳郡吳人也祖子喬梁東武陵王府參軍事文烜信威臨賀王記室以儒術知名野王徧觀經史精記默識天文地理著龜占候虫篆奇字無所不通又善丹青陳天嘉中領大著作掌國史後為黃門侍郎光祿

卿卒贈祕書監右衛將軍有玉篇三十卷輿地志三十卷國史紀傳二百卷文集二十卷

古跡

雲間所謂古跡往、多自袁陸之舊其後又有顧希馮居縣之東南遺趾在焉景祐間侍讀唐公詢為邑嘗案舊經為十詠今祥符圖經反不及焉毋乃唐公所取有別本耶祥符所記踈畧甚矣間二可取今合二家書參之傳記以補其遺其先後一以歲月為序若夫野史指某水曰始於某人某邱曰始於某人似若可聽卒無所稽據闕而不書以俟後之博洽者

金山城

在縣南八十五里高一丈二尺周回三百步舊經昔周康王東遊鎮大海遂築此城南接金山因以為名

吳王獵場

舊圖經云吳王獵場在華亭谷東吳陸遜生此子孫嘗所遊獵後人呼為陸葺其地後為桑陸按陸龜蒙吳中書事詩云五葺春草雉媒嬌注謂五葺者吳王獵所葺各有名今所謂陸機葺豈其一耶

闔閭城

寰宇記云袁崧城東三十里夾江又有二城相對闔閭所築備越處

秦始皇馳道

在縣西北崑山南四里相傳有大堽路西通吳城即馳道也輿地志云秦始皇至會稽句章渡海經此按漢賈山至言秦為馳道徧於天下東窮無齊南極吳楚此所謂馳道之麗非耶

柘湖

舊圖在縣南七十里湖中有小山生柘樹因
以為名吳越春秋元和郡國圖志海鹽本秦
縣漢因之其後縣城陷為柘湖移于武原鄉
後又陷為當湖宋武帝紀晉隆安五年孫恩
北出海鹽帝築城于故海鹽恩知城不可下
進攻滬瀆則嘗于是築城矣又吳地記
時有女子入湖為神湖周回五千一百一十
九頃其後塞皆為蘆葦之場今為

陸機宅

陸士衡贈從兄車騎詩鬢鬢谷水陽李善
引陸道吳地曰海鹽縣東北二百里有
長谷昔陸遜陸凱此元和郡國圖志華亭
谷在縣西三十五里陸抗宅在其側故遜封
華亭侯太平寰宇記二陸宅在長谷谷在吳
縣東北二百里谷周回百餘里谷水下通松
江昔陸凱居此谷吳地記云漢廬江太守陸

康與袁術有隙使姓遜與其子續率宗族避
難居于是谷舊圖經云華亭谷水東有崑山
相傳即其宅合是數說觀之世傳普照寺為
二陸宅非也然建康亦有陸機宅建康實錄
云在縣南秦淮之側李太白題王處士水亭
云齊朝南苑是陸機宅按吳主孫皓徙都建
康機雲嘗分領父兵為牙將得非機仕于朝
則居建業而華亭迺其里第耶又有八角井
按九域志在機宅之側

陸瑁養魚池

唐彥猷華亭十詠按舊圖在縣西今名瑁湖
即陸瑁所居相傳有宅基存焉而大中祥符
圖經瑁湖在縣西北三十五里周回九里吳
尚書陸瑁養魚池因以為名今縣之西南隅
有湖廣康三里即瑁湖也中有堂基今為放
生池

黃耳冢

述異記陸機少時頗好獵在吳有家客獻快
犬曰黃耳機仕洛常將自隨此犬黠慧能解
人語機久無冢問為書盛以竹筒繫犬頸走
向吳到機冢得荅復馳還洛後犬死還葬機
冢村南二百步聚土為墳村人呼為黃耳冢
按商芸小說云後分華亭村南為黃耳村以
犬冢為號焉獨劉貢父詩話疑以黃耳為僕
未知何所據也

滬瀆壘

舊有東西二城東城廣萬餘步有四門今徙
于江中餘西南一角西城極小在東城之西
北以其兩旁有東西蘆浦俗遂呼為蘆子城
按瀆之有壘舊矣晉史虞潭傳潭為吳國內
史成帝時軍荒百姓飢僅潭修滬瀆壘以防
海寇又通鑑晉隆安四年冬十一月吳國內

史表崧築滬瀆壘以備恩明年恩陷滬瀆崧被害寰宇記以為表崧城在縣東百里城在滬瀆江邊今為波濤所衝半毀江中

築耶城

在縣東三十五里高七尺周回三百五步舊經曰晉左將軍表崧所築今遺址尚存

表崧宅

在縣西北三十五里舊經云昔表崧居此因以為名按晉史表崧傳陳郡陽夏人則其始末嘗居華亭也隆安四年為吳郡太守嘗築滬瀆壘以禦孫恩明年崧被害于滬瀆或者崧之後就居于此乎

烽樓

在顧亭林南按法雲寺記載唐隰州司倉支令問妻曹夫人墓誌云葬之顧亭林市南烽樓之側今亭林南岡阜相望即古者江邊築

臺舉烽燧之地寰宇記南帶海上有烽火樓
基吳時以望海處今其遺趾尚存世傳亭林
崗隴顧侍郎墓非也祥符吳郡圖經顧侍郎
在吳縣西南三十五里橫山東則當以曹氏
墓誌為據

顧亭林

舊經顧亭林湖在東南三十五里湖南又有
顧亭林陳顧野王居此因以為名焉今為寶

雲寺寺有伽藍神記云寺南高基野王曾於
此修輿地志今傳以為顧野王讀書墩

陳朝檜

在滬瀆靜安寺殿庭之左右世傳以為陳朝
檜對值殿庭之左右陸龜蒙皮日休有重祀
聖祖寺雙檜詩即此也政和間朱勔圖以進
有旨遣中使取之時中使欲毀三門而去一
夕風雨震雷忽碎其一今殿右者尚存葉夢

得避暑錄以為朱冲畫旨取平江白樂天手
植檜與華亭悟空禪師塔前檜皆唐時故物
石林以為悟空禪師塔前悟矣按臨安志悟
空塔亦有雙檜東坡詩所謂當年雙檜似雙
童者然其益官耳

王可交升仙臺

在隆福寺前遺趾尚存按續仙傳可交初居
松江南後入四明山不復出初無上升之事
或傳為王浚交浚交不事繩檢能為詩語多
滑稽似傲世者然江上有感行詩石刻云王
可交升仙壇則或者之說又未然也

寒穴泉

在金山山居大海中鹹水浸灌泉出山頂獨
甘冽朝夕流注不竭毛澤民作寒穴泉銘以
為與惠山泉不可分等差王介甫唐彥猷梅
聖俞皆有詩

白龍洞

在橫雲山西南絕頂洞口闊三丈其深不可
知山之半有祭龍壇方丈許歲旱嘗禱焉按
朱之純文集皇祐中吳公及宰華亭浙西
旱蝗蘇秀為甚公禱橫山之神即致甘雨蝗
不入境

白苧城

在縣南四十里高一丈周回一萬步舊經云
地生野苧因以為名今俗云白苧匯

古岡身

在縣東七十里
海松江長一百里入土數尺皆螺蚌殼世
傳海中湧三浪而成其地高阜宜種菽菽麥
朱伯原吳郡圖經所謂平瀕海之地岡阜相
屬俗謂之岡身此天所以限滄溟而全吳人
也

孔宅

在縣北七十五里海隅淳熙間居民浚河得一碑云天寶六年黃池縣令朱氏葬于崑山縣全吳鄉孔子宅之西南孔宅之名久矣今其地有夫子廟在慧日縣側淳熙間院僧疏廟隕渠得寶玉凡六事三壁二環一簪今藏藏之縣庠舊圖經云昔有姓孔者游吳居此蓋吾夫子未嘗造吳以闕里譜系攷之孔氏

二十二代潛後漢太子少傅避地會稽遂為郡人二十九代洎梁海鹽令三十二代嗣哲

隋吳郡主簿三十四代

犯仁宗嫌名

隋蘇州長

史豈孔子子孫有僑寓官游于吳而遂居華亭者耶亦猶建康有孔子巷廼聖亭侯所奉之廟蓋子孫即所居立先聖廟耳今廟側又有梁訖廟其為子孫奉祀之地明矣所瘞璧玉簪佩之屬意其孔堂之遺寶得非子孫葬

先聖衣冠寶璧于是地乎然其旁有宰我犯
今上顏淵井此則因孔宅之名而遷合傳會墩
嫌名未可知也舊圖經又云晉鄒湛亦嘗居焉按
鄒湛傳南陽新野人湛嘗出見一人自稱甄
舒仲乃悟曰吾宅西有積土敗瓦其中必有
死人檢之果然厚加斂葬初不言宅在何地
湛未嘗仕至吳中姑存此以闕疑

雲間志卷上



雲間志卷中

仙梵

自吾道不明而釋老之教始行若藏奩可交之徒於其教不可謂無所得者揆之吾道不當書夷攷方志往往不廢其人故亦得以載焉

心鑑禪師

高僧傳藏奩姓朱氏蘇州華亭人也母方娠及誕嘗聞異香未冠禮道曠禪師出家詣嵩

嶽受具再詣五洩山入靈默大師室參授道要唐大中十二年洛下修長壽寺教奩居焉

明年

再住明州棲心寺所在禪者

雲集凡入師室者疑難氷釋咸通七年示寂
葬于天童山其徒以行狀詣闕請謚賜號心鑑塔曰壽相

朱涇船子和尚

傳燈錄名德誠入藥山洪道禪師室大明宗



肯與道吾雲巖為道契自離藥山小舟往來
松江朱涇以輪釣度日人號船子和尚時夾
山善會禪師住京口鶴林寺道吾知其所得
尚淺令往參船子和尚會造朱涇見誠大契
宗旨辭行再四回顧誠喚會回立起橈曰汝
將謂別有耶迺覆舟而逝唐咸通十年僧藏
暉即其覆舟處建寺焉

聰道人

靈鑑塔銘云姓仰氏名德聰初受具戒於梵
天寺叅謂請諸方密契心印太平興國三年
結廬于余山之東峯有二虎大青小青為侍
有造之者見掛一書梁間問之曰此佛經也
問嘗讀否曰如人看家書一遍既知其義何
再讀為嘗曰古人貴行吾何言哉其他問者
皆默然不對天禧元年七月趺坐而逝闕月
容兒如生

王可交

續仙傳蘇州華亭人也以耕釣為業居松江趙屯村一日擢舟入江方擊楫高歌忽見彩舫漾于中流有道士七人中有呼可交者頃之不覺舟近舫側有呼可交上舫者道士皆視之一人曰好骨相合仙生凡賤間已矣破矣一人于筵上令侍者傾酒飲之不出與二粟食之甘如飴命黃衣送上岸覓所乘舟不可得但覺風水林木之聲開眼峯巒重疊松栢參天乃在天台山瀑布寺前僧迎問之曰今早離家蓋三月三日僧言九月九日已半年餘矣僧設食可交厭聞食氣自後絕穀挈妻子住四明山不復出令人時有見之者

寺觀

浙右喜奉佛而華亭為甚一邑之間為佛祠凡四十徒又能張大其事亦可謂盛矣故迹

其創造歲月而次第之道宮一附見焉

靜安寺

在滬瀆按寺記吳大帝赤烏中建號滬瀆重

犯立聖祖諱寺佛法入中國雖始於漢而吳地未

有寺也赤烏十年康僧會入境孫仲謀始為

立寺建鄴曰建初建初者言江東初有佛法

也豈滬瀆寺相繼創建耶景筠石幢記中間

號永泰禪院本朝祥符元年改今額釋迦方

志云晉建興元年有二石像浮于吳松江口

吳人朱膺等迎至滬瀆重犯聖祖諱寺像背題

曰維衛曰迦葉陵集建興八年漁者於滬

瀆沙汭獲石鉢以為白類葦而用之佛像見

于外漁者異之乃以供二聖今佛與鉢皆在

平江開元寺有毗盧遮那佛吳越王瑜迦道

場中像佛五臟皆書錢氏妃嬪名氏有陳朝

檜皮日休陸龜蒙有重犯聖祖諱寺雙檜詩

犯聖祖諱

寺雙檜詩

普照寺

在縣西二百八十步唐乾元中建初名大明寺大中祥符元年改今額寺有陸將軍祠世傳地本陸氏園亭因以祠焉世傳固未可信而嘉禾詩文乃謂陸機捨宅為寺亦妄矣機死于晉大安二年而寺建于唐乾元中豈得為機捨宅乎或恐其後子孫按晉史世說叙錄機之子蔚夏同父遇害於洛中雲之後七又機故宅在華亭谷東崑山下非今邑中也寺有北方天王祠吳越王加封護國石刻存焉沈存中筆談載雷震天王寺屋柱倒書曰高洞楊雅一十六人火令章凡十一字內令章兩字特奇勁似唐人書體今石刻尚存即此寺天王堂也寺之東北隅有善住教院傳賢首宗

圓智寺

在干山舊名禪居按宗毅寺記唐大中十三年建之于邑西南二里晉天福中水壞寺基始遷于干山太平興國中都水使錢綽始建造堂宇有僧意蟾入天台韶國師室來住此寺人多歸之精舍始全備

寶雲寺
朝廷賜蟾師號曰崇惠明教治平中賜今額

初名法雲寺在顧亭林市西北隅大中十三年建晉天福五年湖水壞寺基始遷寺南高基即陳顧王黃門故宅寺有顧黃門祠有沈城及靈鑑寺記伽藍神記治平中賜今額

普門院

在盤龍去縣五十里唐大中十二年吳人陸素建本名觀音院祥符元年賜額寺有石天王舊傳因大水漂至今多禱之

寶相寺

在縣西南三百步本清禪尼寺唐乾符元年
造大中祥符元年賜今額

方廣寺

在柘林去縣八十里唐咸通六年造按寺記
蔡侍郎功德院建隆中賜額延壽院治平元
年改今額寺有蔡侍郎詞詳見詞蔡氏墳塋
在寺之左右石幢猶蔡氏故物

法忍院

在朱涇去縣三十六里即船子覆舟處唐咸
通十年建本名建興院治平元年賜名法忍
寺有船子和尚夾山會禪師遺像至今祠焉

超果寺

在縣西三里本名長壽寺唐咸通十五年心
鏡禪師造按唐會要洛陽伽藍記武后以齒
髮既老造長壽寺于東京改元長壽又高僧
傳載心鏡禪師藏真蘇州華亭人會昌廢寺

大中復修洛下長壽者寺敕與居焉與後嘗
歸鄉造寺豈此復名長壽寺乎盧仝集訪曦
上人詩有三入寺曦未來及含曦答詩長壽
寺石壁盧公一首詩之語玉川先生居洛城
裏則長壽寺固其常遊也今乃以仝詩為在
華亭則妄矣治平元年改今額有觀音大士
像寺有石刻云本錢武肅王宮中所祈禱者
太平興國中錢氏歸國僧慶依得之未知所
適一夕夢白衣人告曰吾與若偕之雲間既
寤乘舟而來將至縣西大士舒祥光下貫起
果遂迎以祠焉至今雨暘皆禱之寺有天台
教院按芝園集雲間起果十方學校香嚴湛
創建有陳舜俞為之記

福善院

福善院在趙屯梁

犯貞
仁宗諱

明六年僧智道立

精舍晉天福二年賜尊勝院大中祥符元年

改賜今額

明行院

在南橋晉天福五年里人蔣漢城造請於錢忠懿王始名安和院至太平興國八年改賜今額

院記

華亭圖謀載春秋時夫差三女子墓田曰三女岡聲詩則播諸唐令尹詢并荆公王介甫都官

梅聖俞述岡之刹曰安和晉天福五年蔣漢城環堵中芥陀刹花擢于陸聚族而謀曰是八吉祥六殊勝處盍施諸釋梵家遂墓此刹植榦于是者曰本立病潮齧岸址白漢城議徙于此改曰明行用

淮海王錢中令歸

朝所請之額堂宇樓殿金碧煥粲雲棲駕瓦明行璇題具如經說凡所當有罔不具藏乘二千

餘卷棗柏大士華嚴合論在焉鐘梵壓萬籟
為一方宅心純想之地遷善遠罪者咸知鄉
方一燈長明四檀委輸規矩準繩有條而不
紊五季方中水立晝昏真人應期民登衽席
聖、授受幾三百年未聞識載固自若也
云胡患日求紀述為日曰改國喬木其大蔽
雨其高垂雲可無封植日異懋長風雷之鼓
盪雨露之膏沐而至此也一刹百堵容數千

指功倍封植惠戒剪伐人天之所瞻龍象之
所懷不啻改國喬木固知勗業之艱難則將
怠乃訓盍講明以詔後世不亦可乎因其說
系之以辭、曰五季中民迍遭沸如糜號無
天中令君吳越錢奮一旅圖萬全玉節勁金
城堅王海國遮中原振義聲開福田空寂崇
經象傳幢利建泉貨捐為幘幪持危顛誓子
孫銘肺肝樞錦繡包山川歸 有德同永年

帶如河厲如山與筮乾無黨偏 勅差臨安
府淨慈光孝禪寺住持北磻居簡記

結界記

余作三女岡明行院記于嘉熙初元越二年結
大界相成荐請記其事其說曰天可陟吾疆不
可入地可陷吾疆不可犯不吉祥及諸惡律儀
自退舍於廣莫之野而無何有之鄉且夫天地
之大八荒之廣從而無際衡而無朕雖吾廬千

柱萬礎磅礴川谷包絡平野眇而眇之一鉅
耳吾身小天地淵乎方寸者心也至微也至
幽也出入無時莫知其鄉三災弥淪心為本
根不鉏其根滋蔓罔既乃于是中自燔自溺
然則界相在此而不在彼曩記錢塘大雄院
創建之顛末嘗究其說矣今此舉行墜緒補
有寺以來闕典故申言之且嘉其事法精至
而秉法攝僧攝衣攝食唱相羯磨與波羅提

木人絲毫不忒背寺之傳教比丘惠日講明
而奏厥功乃策其勲而系之以辭曰
善乎明行大界相之結也彌滿清淨於其內
他莫我干也噫結固易與爾守難乎哉傳曰
重門擊柝以待暴客備禦侮也匪擊柝戒嚴
于其外則猾闖狡鬪強侵暴陵重門果何恃
夫倚界相之固不希勝進槃樂怠傲習燕
安之自以為安室利處忘自永多福則非

吾所敢知

白蓮花詩

僧惠日

神佛何由測芬陀陸地興素芳呈玉雪梵剎
邱陵換額從偏霸懸碑自老僧慇懃勸來者期
使續千燈

趙崇森

舊址來從晉中更幾廢興一蓮開陸地三女卧
岡陵題咏誇先輩流傳得主僧林深鐘梵寂長

夜一明燈

高子鳳

地產枝蓮異蓮宮自此興殊祥天不靳奇豔雪
堪陵魄化疑吳女碑傳有蜀僧何當尋勝槩吟
斷佛前燈

惠日

白羽芬葩陸地蓮可曾搖曳水中天肯于素豔
分新潔不與紅酣間碧鮮玉井無因期摘寶金
園有兆必開先應知瑞與優曇並一朵騰方萬
古傳

僧善月

天開地闢詎云賒異草靈苗特一家不有岡頭
三女粲爭敷處子六郎花英雄有種凜生氣白
玉微根不受瑕他時若補芬陀傳端與優曇定
等差

僧居簡

三女岡邊寺樓臺覺鬱嵒近郊間梵放陸地出
芬陀天福雖營刹中原尚枕戈煙塵絕淮海熨
帖看鯨波

七寶院

在縣東北七十五里元係福壽院大中祥符
元年賜今額寺有五代時檜今已合抱

布金寺

在大盈唐大和二年建本法雲禪寺院治平

元年易今額紹興間復為禪院寺有陳舜俞
經藏記

明心院

在北橋去縣三十五里按錢武肅王立寺記
都水使者錢綽造武肅王以誦華嚴經僧居
之因以為華嚴院治

興聖院

在縣東南二百步按孤山間居集載興聖院

結界序漢乾祐二年邑人張犯壽皇舊名之子

仁捨宅為寺本名興國長壽祥符中改覺犯

聖祖諱院後改今額寺有嘉祐中賜藏經

海惠院

在白牛市建隆初里人姚廷睿以寺宅為寺

名興國福壽院治平元年改今額姚即為伽

藍神

空相寺

在龍華張仁恭請于錢忠懿王始建舊號龍

華寺治平元年改今額西北隅有白蓮教院

證覺教院

在縣西南百五十步太平興國二年立本無

礙浴院大中祥符元年賜今額

普照教院

本余山東庵治平二年賜額寺本聽道人所

居因以為寺有聽道人塔在山頂寺有上方

曰月軒衆山環立列其前蓋絕境也
宣妙院

本余山西庵治平二年賜額寺有上方
惠日院

本余山中庵治平二年賜額
慈雲昭慶禪院

本余山之靈峯庵有馬嶠禪師塔其銘曰禪
師傳雲門正派大闡法席建立精舍復古寺

額寺有金沙地芥子庵

隆平寺

在青龍鎮市寺元名國清院寺有米元章所
書經藏記

隆福寺

在青龍鎮元報德寺唐長慶元年造

勝果寺

在青龍鎮寺有沈光碑紹聖中呂益柔撰妙

悟大師希最塔銘云最學天台教緇林號曰
義虎後居勝果寺僧房有鬼物為祟最為講
說于空中得朱書數十字自稱漢朝烈士沈
光大畧悔過謝罪之語事頗近恠故不詳載
普寧慧日院

在孔宅寺有宣聖祠元豐間賜額

太平興國禪院

在胥浦南去縣四十五里紹興二年請省額

寶勝禪院

在縣東四里紹興六年請省額

演教禪院

在縣南二里紹興二十六年請

勅額崇寧中有僧普願為施水庵鑿地得住
世羅漢像十六軀人異之因立寺焉

慈濟寺

在海中金山絕頂元豐間釋惠安造紹興元

年請額

普光王寺

在薛澱湖中山頂建安元年請額

延恩報德院

在縣西五里紹興二十四年請額

淨居禪院

在縣東北三百步紹興五年請額

觀音慈報禪院

在縣東北八十里崇寧二年請省額淳熙五
年叅政錢公良臣請賜功德院也

永定禪院

在周浦村淳熙十四年請額

保安院

在浙西五十里乾道七年請額

廣化涌澤院

在縣西南二里一百步紹興三年請額

寶藏護國禪院

在縣西南五十四里紹興四年請額

興塔院

在縣西南五十四里紹興四年請額

崇福院

在縣東南五十四里紹興四年請額

白蓮寺

在縣西五十四里紹興二十六年請額

大聖院

在縣東五十四里隆興二年請額

報恩院

在縣西四十里乾道二年請額

寧國寺

在縣東北四十五里乾道二年請額

延慶教院

在縣東南三百步乾道六年請額

集福報國水陸禪院

在白牛市之東淳熙九年請額

仙鶴觀

在縣南二百步紹興三十一年復建

祠廟

古者祀有常典凡山川林谷邱陵能出雲為風
雨與夫施法于民以死瘞事以勞定國禦大菑
捍大患者皆得以祀之邑之廟祀不一其尤昭

著者國之功臣邑之先哲或死于民社之寄
與夫山川林谷邱陵之能出雲為風雨者亦
當矣惜乎麻歲浸久名號弗正稽之傳記不
足詢之耆老無證姑以所聞著于篇以俟來
者

東嶽別廟

在縣西二里

靈濟昭烈王別廟

在縣西三里神姓張氏其英槩靈迹載桐川
神祠蓋自漢以來江浙多祠之縣之別廟始
于淳熙八年

城隍廟

舊在縣西政和四年遷于縣東南七十步唐
李陽冰曰城隍神祀典雖無吳越中多祠之
今州縣城隍祀紀信王

金山忠烈昭應廟

在海中金山去縣九十里別廟在縣東南八
十步廟有吳越王鏐祭獻文云以報冠軍之
陰德吳國備史云大將軍霍光自漢室既衰
舊廟亦毀一日吳王皓染疾甚忽于宮庭附
黃門小英犯嫌名曰國主封界華亭谷極東
南有金山鹹塘風激重潮海水為害非人力
能防金山北古之海益縣一旦陷沒為湖無
大神力護也臣漢之功臣霍光也臣部黨有

力可立廟于鹹塘臣當統部屬以鎮之遂立廟歲以祀之宣和二年賜顯忠廟五年封忠烈公建炎三年辛道宗領舟師由海道護行在所奏加封忠烈順濟且賜緡錢以新廟貌四年加封昭應按霍去病為冠軍將軍而霍子孟為大將軍今備史以為霍光或者吳越祭文不攷也嘉禾志有冠軍神廟又有金山廟皆云忠烈昭應則以一廟為二矣

廣衛將軍祠

在普照寺、有石刻載吳越王祭獻文云晉賢陸機之祖按吳志機之祖遜初拜撫邊將軍又拜鎮西將軍又拜上大將軍吳因漢制雖有祿號將軍而攷之遜傳未嘗有廣衛之號若機曾祖紆守城門校尉高祖駿九江都尉亦未嘗位至將軍

陸司空廟

在縣南三里祥符圖經云陸四公未詳所出
今俗傳陸機廟按晉史機未嘗為司空為司
空者機之從兄弟玩也又原化記云蘇州華
亭縣有陸四官廟元和初有盜船泊于廟前
守船者夜于廟中獲光明珠則又以為陸四
官矣

築耶將軍祠

在沙岡有築耶城遺址尚存晉左將軍袁崧
築也有築耶將軍祠世傳祀袁崧云按晉隆
安四年崧以吳國內史築滬瀆壘以備孫恩
明年恩陷滬瀆崧死境內祠之宜也築耶之
義未詳

顧侍郎祠

在亭林法雲寺有感夢伽藍神記開運元年
仲春十有一日寺成僧道中智暉夢二青衣
來云陳朝侍郎至也後忽見一人紫衣金魚

儀容清秀曰此地吾之故宅荒已久矣師令
于上造佛立寺請立吾形像吾當護此寺也
可尋舊寺基水際古碑為據明日二人各言
其所夢不異就求之果得古斷碑文字頗滅
云寺南高基顧野王曾于此修輿地志二僧
于寺東偏建屋立像至今祠焉

通濟龍王祠

在滬瀆故老相傳自錢氏有國已廟食茲土
本朝景祐五年太史葉清臣為本路漕因浚
盤龍匯禱于故廟神應如響于是復新祠兒
有葉太史祭文刻石于廟中

蔡侍郎廟

在縣南白砂鄉八十里舊經云未詳據通幽
記貞元五年在嘉興監徐浦下場糶監官場
界今諸場亦有蔡廟場未詳何神柘林方廣
寺有蔡侍郎祠按寺記云自古相傳蔡侍郎

捨宅為寺竟無稽考惟石幢題云唐咸通六年蔡贊造去父母塋九十步去壽塋十六步三代皆當世文儒按元則德宗朝也犯仁宗嫌名咸通則宣宗朝也犯仁宗嫌名元中已有蔡侍郎祠矣雖稗官小說未可盡信不應咸通中蔡始造壽塋也豈寺之所祠與蔡廟場所祠各不同乎

姚將軍祠

在縣西一十五步初祠于證覺院政和四年按於此未詳何神

福順延德大王祠

在都酒務西未詳何神廣有楊景範造廟刻石云熙寧甲寅到官夢遊福順廟見執簿者臂頽求予治之未幾以漕命遷酒稅于王故宮之基乃用卜宅于茲土豈神之靈有以先授我耶

三姑祠

在柘湖之側吳地志秦時有女子入湖為神
即此祠也柘湖今湮塞為蘆葦之場神亦弗
祠今澱山湖中普光王寺亦有三姑祠靈甚
湖旁三數十里田者與往來之舟皆禱焉故
老相傳秦時人姓邢氏女兄弟三人云即柘
湖所祠也

山

輿圖方志推表山川蓋祖禹貢周職方之遺意
也水多于山石澗皆爾而崇崗峻嶺華亭又
無也特其映帶湖海或得名自昔者不可遺
軼今叙而目之

崑山在縣西北二十三里高一百五十丈周回
八里 贈從兄士光車騎詩云髣髴谷水
陽婉 山陰注引陸道瞻吳地記曰海鹽
縣東北二 有崑山陸氏父祖墓焉輿地

廣記云崑山陸之先葬此後機雲兄弟有
辭學時人以玉出崑崗因名之按征北將軍
陸禕墓今在山巔

機山在縣西北三十里因陸機得名山下有村
曰平原亦因陸平原名之平原內史即機
也干山圓智寺記云所謂機山者往一排巖
別巖槩為陸氏之家山總而名焉

橫雲山在縣西北二十三里高七十丈周回五
里本名橫山唐天寶六年易今名與機山相
望僅五里許或云因陸雲名之有白龍洞在
山頂之西南隅其深不可計山下有祭龍壇
澱山在縣北六十里在薛澱湖中周回三百五
十步高三十丈山形四出如鼇上建浮圖下
有龍洞屹立湖中亦落星浮玉之類傍有小
山初年僅兩席許久之寢長寺僧築亭其上
勝曰明極

金山在縣東南九十里周回十里高十七丈吳地記云有平城坡可容二十人坐山北有寒穴其泉香甘

余山在縣西北二十四里高八十丈周回十八里舊傳有姓余者居此因名焉按姓苑余姓出南昌

干山在縣西北二十九里高七十丈周回五里舊圖經云昔有干氏居此圓智寺記云茲山後皆干氏所有故以為名

薛山在縣西北二十四里高九十丈周回七里吳地記云薛約道居此因以為名

城山在縣北二十里高八十丈周回五里舊經云山狀周環如城因此為名

細林山在縣西北十八里高五十丈周回七里本名神山唐天寶六年易今名

土山在縣西北二十五里高二十丈周回一里

九十步

秦山在縣南六十里高二十八丈周回一里九

十步

達岸山在縣東南百六十里海水中周回八里

高二十五丈

竹嶼山在縣東南百八十里海水中周回六里

高五十丈

許山在縣東南二百五十里海水中周回五里

高五十丈

簫山在縣北三十里周回三里高五十丈

遮山在縣東南七十里周回二里高五十丈

浮山在縣東南一百里海水中周回一里一百

步高一丈

蘇山在縣東南一百六十里海水中周回一百

五十步高二十丈

巖山在縣西北二十七里周回四里二十二步

高四十丈

鳳凰山在縣西北十八里

陸寶山在縣西北二十五里亦本陸氏家山

水

華亭號為澤國其東南則巨浸其西則長泚其北則松江縈繞二百餘里其浦溆則顧會盤龍崧塘大盈趙屯五者為大昔桑欽鄜道元生長西北故水經叙西北加詳而東南踈略識者思欲補欽之遺矣况一邑之水其能盡之耶今攷五浦之源委而種別之其他陂塘河渠有可書者列次之焉

三泚

按廣韻泚水名華亭水也陸龜蒙詩云三節涼波魚蕝動注曰吾遠祖士衡對晉武帝三泚冬溫夏涼蓋謂此也祥符圖經谷泚縣西三十五里周回一頃三十九畝半古泚縣西

四十里周回四頃三十九畝今泚西北抵山
涇南自泚橋出東南至廣陳又東至當湖又
東至瀚海塘而止朱伯原續吳郡圖經曰泚
在華亭境泚有上中下之名泚之狹者猶且
八十丈又按海鹽之蘆瀝浦海鹽即武原也
行二百餘里南至于浙江疑此即谷水故道
水經以為入海而此浦入江蓋支派之異也
今俗傳近山涇為下泚近泚橋為上泚或者
其與陸士衡朱伯原之言合按縣圖又以近
山涇泚益圓曰團泚近泚橋泚益濶曰大泚
自泚而上縈繞百餘里曰長泚此三泚之異
也或以須顧泚謝家泚為三泚此二者在縣
之東南一陂澤爾與古所謂三泚者相望五
七十里殊不知泚自有上中下之名也

谷水

陸士衡詩髣髴谷水陽婉孌崑山陰陸道瞻

吳地記云海鹽縣東北二百里有長谷昔陸
遜陸凱居此谷水東二里有崑山父祖墓焉
水北曰陽山北曰陰則此水在崑山之北也
寰宇記谷名華亭谷水下通松江祥符圖經
華亭谷水東有崑山元和郡國圖志在縣西
三十五里朱伯玉原續吳郡圖經本之鄰善
長云松江東南行七十里入小湖自湖東南
出謂之谷水南接三泖陸士衡詩所云即此
水也或曰縣之西湖即谷水也湖東灘磧即
喚鶴灘也鶴飲此水其聲則清按圖經縣之
西湖即瑁湖也如陸士衡詩吳地記寰宇志朱
伯原續圖經言谷水如此而世傳如彼何也
獨祥符圖經曰谷水在縣南長百五十步世
之所傳其出于斯乎

松江

松江在縣之北境七十里其源始于太湖口

而東注于海書曰三江既入震澤底定常昭
以為三江者松江浙江浦陽江也今浙江浦
陽江舉震澤不相入常說非也續吳郡圖經
據鄴善長云淞松江自湖東北逕七十里江
水分流謂之三江口吳越春秋云范蠡去越
乘舟出三江之口入五湖之中謂此也庾仲
初揚都賦注云太湖東注為松江下七十里
有口分流東北入海為婁江東南入海為東
江與松江而三今松江自吳江縣過甫里逕
華亭入青龍鎮自湖至海凡二百六十里若
夫有新江舊江之別者嘉祐間吳中水災時
李兵部復圭為轉運使韓殿省正彥宰崑山
開松江之白鶴匯如龍盤之法其後崇寧中
漕使邾夔又浚治之遂為民利嘗詢之父老
所以然者松江東注委蛇曲折自白鶴匯極
于盤龍浦環曲而為匯不知其幾水行迂滯

不能逕達于海今所聞松江自白鶴匯之北
直馮震澤之水東注于海畧無迂滯處是以
吳中得免水患

滬瀆江

在縣東北吳郡記松江東瀉海亦謂之滬瀆
廣韻滬水名也白處通發源而注海曰瀆陸
魯望漁具詩序列竹于海滙曰滬吳之滬瀆
是也皮日休吳中苦雨詩全吳臨巨溟百里
到滬瀆海物競駢羅水怪爭滲漉即此是也
江側有滬瀆壘蓋虞澤袁崧防海之處兩旁
有東西蘆浦瀉于瀆江舊圖滬瀆江口在縣
東北一百十里

顧會浦

按慶厯開顧會浦記直縣西北走七十里趨
青龍鎮浦曰顧會浦南通漕渠北達松江今
曰通波塘浦自蕪山之陽地形中阜松江潮

至半道輒回斡山之旁沙塗壅積故自慶曆
辛巳紹興乙丑乾道乙酉一再開通未幾輒
淤滯紹興乙丑因浚塘又於縣之北門築兩
挾堤依舊基為閘以時啟閉復于浦之東闢
治行道石梁四十六以通東鄉之停浸

盤龍浦

自縣東北達于舊江以其委蛇曲折如龍之
盤得名祥符圖經縣東北四十五里續吳郡
圖經有盤龍滙者介于華亭崑山之間步其
徑總十許里而洄穴迂緩逾四十里江流為
之阻遏盛夏大雨則泛濫淪稼穡壞屋廬殆
無寧歲自乾興以來屢經䟽決未得其要范
文正公守平江嘗經度之未遑興作寶元元
年太史葉清臣按漕本路遂建議醜為新渠
道直流速其患遂弭

崑子浦

按舊圖崧子浦在縣東北五十里又崧子塘
在縣北十五里分而為二者蓋北十五里崧
子浦之口東北五十里者下注于舊江口也
慶厯開顧會浦記以為嵩塘蓋此浦與顧會
浦同流而異派皆瀉水于松江

大盈浦

在縣西北七十里南接澱山湖北自白鶴匯
以達于松江浦闊三十餘丈慶厯開顧會浦
記論華亭浦濑五而大盈居其一王介甫詩
徒嗟大盈北浩浩無春秋即此浦也

趙屯浦

在縣西八十里南接澱山湖北達于松江浦
濶五十餘丈即王可交遇仙處

內勛浦

在縣西八十里

直浦

在縣西北七十五里

南澥浦

在縣西北六十八里

梁紇浦

在縣西北八十里

艾祁浦

在縣東北六十五里

華潮浦

在縣東北六十五里

郭巷浦

在縣東北六十五里

小來浦

在縣東北三十五里

新涇浦

在縣東北八十里

上澳浦

在縣東北八十里

西蘆浦

在縣東北八十五里

大蘆浦

在縣東北八十五里

上海浦

在縣東北九十里

南澹浦

在縣東北一百里

右浦凡十四在縣之北境皆所以達上流之水以歸于松江也

薛澱湖

在縣西北七十二里有山居其中湖之西曰小湖南接三泖其東大盈浦其北趙屯浦蓋湖所以受三泖及西南諸港之水自二浦以瀉于松江也舊圖所不載止有小湖在西北

六十里周回三里吳郡圖經云西北有白蜺
馬騰谷瑋瑁四湖舊圖谷湖在縣西北五十
三里馬騰西北六十里白蜺西北七十里今
白蜺湖在長洲界所謂馬騰谷瑋瑁相去五
十里間澱湖周回幾二百里茫然一壑不知
孰為馬騰湖孰為谷湖也此湖古來鐘水之
地近者如白蜺湖皆成圍田湖之四旁亦有
築堤為田者歲有水潦則瀦水者益狹矣

錡湖

在縣西北三十五里周回二十里一名洋湖
舊經云湖有陸錡宅因以為名又縣東南六
十里亦有洋湖徑十餘里今皆為蘆葦之場

鶯窰湖

在縣東三十里周回五里

來蘇湖

在縣南七十里周回十七里

吸鶴湖

在縣南四十五里周回五十六里

永興湖

在縣南四十里周回三里

右三湖載之祥符舊圖今未詳所在

沈涇塘

在縣西五里南接運河北接大盈浦蓋自攜李城下水流東北則此塘所以瀉上流之水

也往時歲旱浚之遇潮漲則亦可以引松江之水以資灌溉

古浦塘

在縣西行二十七里以達于泖歲旱亦可引三泖之水以資灌溉

鹽鐵塘

在縣東南長三十里世傳吳越王於此運鹽鐵因以為名

杜浦塘

在縣東八十里

下沙浦

在縣東九十里紹興乙丑通判曹泳開港浦
凡十八處

須顧浦泖

在縣東南二十里

謝家泖

在縣東南二十里泖北有泖澗

白龍潭

在縣西北三百世傳有龍蟠伏于中歲旱常
禱雨焉

沸井浜

在滬瀆東西有蘆浦中間一水相通有數尺
許特深如井然水騰涌晝夜不息或云海眼
也常有戲浴于中者二三尺以下其氣稍溫

堰閘

華亭東南並鉅海自柘湖墜塞置閘十八所以
禦鹹潮往來政和中提舉常平官興修水利欲
涸亭林湖為田盡決隄堰以泄湖水華亭地勢
東南益高西北益卑大抵自三泖五浦下注松
江以入于海雖決去諸堰湖水不可泄鹹水竟
入為害于是東南四鄉為斥鹵之地民流徙他
郡中間州縣官雖知其害復故堤堰獨畱新涇
塘以通鹽運海潮朝夕衝突塘口至濶三十餘
丈鹹水延入蘇湖境上乾道七年八月右正言
許公克昌請于朝時太博邱公宓除秀州陸辭
之日面奉
至尊壽皇聖訓亟來相視與令堵觀議以新涇
塘潮勢湍急運港距新涇二十里水勢稍緩不
若移堰入運港為便于是募四縣夫經始于九
月二十六日畢工于十二月二十七日堰成併

築堰外港十六所兩港之旁塘岸四十七里百八十五丈有奇明年正月二十二日上遣監察御史蕭之敏相視又捐四鄉民租九年以招復流民又明年正月遣中使宣諭守臣張元成增築二月特置監堰官一員招土軍五十人置司顧亭林巡邏以防鹽運私發諸堰今堰外隨潮沙漲牢不可壞三州之田得免鹹潮浸灌之患此

聖天子德惠而二三公之力也堰成無記恐將來無所稽考故迹其本始而詳著之焉

運港大堰

濶三十丈深三丈六尺厚二十一丈九尺

護

犯今上嫌名涇堰

濶十五丈深三丈五尺

黃姑涇堰

濶五丈深一丈五尺

張戀涇堰

濶十二丈深三丈

老兒涇堰

濶二丈深一丈

何家涇堰

濶十一丈五尺深二丈

善涇堰

濶九丈深一丈六尺

張涇堰

濶三丈深一丈

徐家涇堰

濶九丈深一丈八尺

邵家涇堰

濶九丈深一丈八尺

新開涇堰

濶九丈深一丈八尺

招賢涇堰

濶十一丈深二丈八尺

管家涇堰

濶三丈深一丈四尺

戚家涇堰

濶六丈深二丈五尺

丫叉涇堰

濶五丈深二丈五尺

吳塔涇堰

濶十丈三尺深二丈六尺

蔣家涇堰

濶七丈五尺深一丈六尺

竹岡堰

在縣東六十里未詳所在

砂岡堰

在縣南七十里未詳所在

鹹塘岸

運港東塘岸自運港堰至徐浦塘計二十四里一十七丈西塘岸自運港堰至柘湖二十三里上濶六尺下濶一丈五尺高六尺

舊瀚海塘

西南抵海鹽界東北抵松江長一百五十里

張涇閘

在縣東南四十八里隆興甲申八月本路漕

臣姜誥奏請于張涇堰增埤為高築月河置閘其甕巨石兩址相距常有四尺深十有八板一尺有一寸以時啟閉故鹹潮無自而入月河之長三千三百五十有五尺廣六尺許克昌為之記

冢墓

祥符圖經載諸陸潘濬等融凡十二墓若濬與融既非邑人不知何自而葬于此陸禘墓在崑

山碑誌尚可考反不及之無乃未見征北墓碑
耶然諸陸之墓自禘外訪其處所無復存者而
融墓至今稱之事有幸不幸者可為之歎息

陸康墓在縣西北二十里

陸遜墓在縣西北二十三里

陸抗墓在縣北二十二里

陸瑁墓在縣西北三十二里

陸凱墓在縣西北二十二里

陸宏墓在縣西北四十里

陸暉墓在縣西北四十四里

陸監墓在縣西北一十九里

陸景文墓在縣西北三十里

陸叡墓在縣西北一十九里 以上諸人詳見

人物門

潘濬墓在縣西北二十里按吳志云濬字承明
武陵漢壽人也弱冠從宋仲子受學為郡功

曹孫權殺關羽于荆上拜為輔軍中郎將有功遷奮威將軍權即位封劉陽侯遷太常赤烏二年薨

笮融墓在縣東北四十里按吳志云融丹陽人初徐州牧陶謙使督廣陵運漕曹公攻謙徐土蕭條融將男女一百口馬三十疋走廣陵今北亭鄉有笮基涇、旁有高壠世稱為笮墓云

陸禕墓在縣西北二十七里崑山之絕頂舊有征北將軍陸禕墓碑今雖斷毀不全而龜趺尚存焉

知縣題名

自置縣以來唐之賢宰舊經所載止蘇籥一人稱其在縣簡惠蒞事公正

國朝咸平以前令之姓氏無所稽考自咸平五年迄于建炎二年尚餘慶至許知微凡五十有

三人則姚舜明為之記自紹興元年迄于淳熙
元年呂應周至劉侯凡一十有九人則劉侯為
之記自淳熙三年迄于紹熙四年趙汝諫至楊
潛凡七人則楊潛為之記其間流風善政為民
所稱誦者蓋亦有焉

唐張聿琅琊人

包某延陵人德宗時

蘇籀

商餘慶咸平五年

劉唯一景德元年

孟虛舟大中祥符元年

李釋回大中祥符三年

董抗大中祥符五年

尚達大中祥符九年

蹇利涉天禧元年

張貽慶天禧二年

李衡乾興元年

張鑄天聖元年

王舉直天聖二年

田慶遠天聖三年

李宏天聖五年

向繹天聖七年

楊備天聖十年

唐詢明通二年

錢括景祐三年

丁詡寶元二年

錢貽範康定二年

謝景温 慶曆四年

章拱之 皇祐元年

楊慥 至和元年

聶儀仲 嘉祐五年

胡定之 治平一年

上官汲 熙寧四年

盧乘 元豐元年

陳謚 元豐七年

劉鵬 元祐五年

黃秘 紹聖元年

賈泰 元符元年

左高 建中靖國元年

章政 崇寧二年

徐思安 大觀三年

姚舜明 政和元年

胡侃 宣和元年

宋宜 慶曆六年

吳及 皇祐四年

胥元規 嘉祐二年

袁晋材 嘉祐七年

張若濟 熙寧元年

邵奇 熙寧七年

周袞 元豐四年

陶鎔 元祐二年

章景遇 元祐七年

俞結 紹聖三年

孫植 元符三年

楊子方 崇寧元年

楊光弼 大觀元年

章懿文 大觀四年

黃昌衡 政和七年

鮑貽愿 宣和三年

陳球 靖康元年

許知微 建炎二年

呂應問 紹興元年

張公綏 紹興三年

詹堯可 紹興六年

林衡衡 紹興九年

楊壽亨 紹興十三年

趙伯席 紹興十六年

陳祖安 紹興十九年

吳^{犯悖} 紹興二十二年

龔相 紹興二十三年

王崧 紹興二十五年

周允聞 紹興二十六年

周極 紹興二十九年

蔣思祖 紹興三十二年

張昉 乾道元年

雷粲 乾道元年

侍其銓 乾道二年

堵觀 乾道五年

陳岫 乾道八年

劉侯 淳熙元年

趙汝諛 淳熙三年

徐安國 淳熙六年

楊樗 淳熙九年

葉仲英 淳熙十二年

劉璧 淳熙十三年

柳楸 淳熙十六年

楊潛 紹熙元年

張穎

張杵

徐民瞻

樊湛

錢 閻 嘉泰元年

湯 詵 開禧元年

滕 珂 嘉定元年

樓 鏞 嘉定四年

陸三省 嘉定六年

錢德謙 嘉定八年

張孝聞 嘉定十三年

王 琮 嘉定十七年

黃 崖 紹定元年

韓 曾 紹定六年

宋良才 嘉熙元年

蔡 朴 淳祐二年

鄭 南 淳祐七年

趙汝章 嘉泰四年

汪立中 開禧二年

徐晞稷 嘉定二年

陳 遇 嘉定五年

李百壽 嘉定七年

陳 鉤 嘉定十一年

陳奇之 嘉定十五年

詹 驥 寶慶三年

程 燾 紹定三年

楊 瑾 端平元年

韓 識 嘉熙四年

施退翁 淳祐四年

陳叔弼 淳祐八年

進士題名

唐博學宏辭科

陸贄字敬輿西京試第六人

光啟二年

陸扆字祥文禮第一人

三禮科

顧謙

進士題名

華亭壯邑業儒者衆今訪之耆舊及考諸登科
記自天禧三年迄于紹熙四年凡一百七十有
七年登進士第者凡八十有八人其間魁多士
冠南宮入政府登從班者蓋不乏人亦云盛矣
陳舜俞登慶曆六年第再中嘉祐四年材識兼
茂明于體用科按國史舜俞湖州人知山陰縣
時青苗法初行不奉令上疏自劾謫南康酒稅

棄官而歸居秀之白牛村自號白牛居士雖湖
人不得不載也崇寧五年朱季資以內舍辟廡
錄試于中書賜第紹興四年呂元亮以布衣被
薦召對出官皆非常科茲不載焉至若特恩則
無題名可考姑據耳目之所見聞者附云

天禧三年王整榜

呂諤

天聖二年宋庠榜

呂詢

景祐元年張唐卿榜

呂評

慶曆六年賈黯榜

陳舜俞字令舉嘉祐四年直言極諫
科第一人

嘉祐二年章衡榜

呂全用開府貫

嘉祐六年王俊民榜

朱伯虎 用開府貫
字方元 第五甲第二人 太子
少師

嘉祐八年許將榜

戴顯甫 一姓錢

朱鞏 用開府貫
字雄道 伯希
從父

治平二年彭汝礪榜

朱伯熊 用開府貫
字才翁 宣奉大夫 伯希之弟

熙寧三年葉祖洽榜

呂公美 用開府貫

六年余中榜

呂奎 用開府貫

元豐二年時彥榜

柳庭俊 工侍

章粹 用建寧貫

元祐三年李常寧榜

呂益柔 用開府貫
甲科第二人 刑侍
字文剛

張徽言

六年馬涓榜

朱紱改名諤甲科第二人

富開

朱之純右丞伯希從子
用開封貫

紹聖元年畢漸榜

柳庭傑庭俊之弟

呂桓

四年何昌言榜

張天材改名卿才

崇寧二年霍端友榜

朱紘改名謙用開封貫紱之弟
第三甲第一人

五年蔡蕤榜

王篔張甸
呂少蒙用開封貫

大觀三年賈安宅榜

柳約戶侍
姚穀改名焯
庭俊之弟

張昭
陳之元

衛上達改名仲達禮書
黃子服
字達可

政和五年何棨榜

衛開 八行宣教郎

黃鏗 鎮之弟

黃鎮

張康朝

八年嘉王榜

衛闡

字致虛涇之祖朝奉大夫贈太師魏國公

宣和元年貢士王俊又榜

衛膚敏

甲科第三人禮侍闡從子字商彥

三年何渙榜

富說 開之子

建炎二年李易榜

黃銓 甲科

紹興二年張九成榜

孫朝彥 用開封贊

五年汪應辰榜

任盡言

用眉州贊甲科

朱冠卿

任質言

葛溫卿 用開封贊

八年黃公度榜

陳璣用泰州貫

董天民

十二年陳誠之榜

潘旦

十五年劉章榜

潘瑞甲科改名
緯字仲實

陳伯達

張圖南

十八年王佐榜

張偉字書言
鄉道成里人

林公望

字叔山
宅里人

柳仲永字德修
用鎮江貫

廿一年趙達榜

張廷筠昭之子

鄭聞省元用開封
貫參知政事

廿四年張孝祥榜

衛稷仲達仲子
處州教授

錢良臣參政
字友魏

徐銳

廿七年王十朋榜

朱佾

三十年梁克家榜

許克昌 用拱州貫字 蓋經 用開封貫字常

衛博 字師文稷從弟 柳大雅 用臨安貫

張伯垓 尚書 呂篆 用平江貫

練夢鵬 用湖州貫

三十二年本待問榜

陳之方 用建州貫 張序

張子泳 一姓朱又作隆興元年 趙善洙 玉牒

乾道二年蕭國梁榜

朱絳之 用湖州貫兵 吳伯凱 用開封貫

趙善調 玉牒 徐玠 用鎮江貫

周益 柳梓

五年鄭僑榜

王觀國 用開封貫 林廷瑞 用平江貫

葉昉

八年黃定榜

任巖叟 用通州貫

淳熙二年詹駉榜

衛藻 字德章仲達仲孫朝奉大夫

五年姚穎榜

趙師慄 玉牒

張之德

八年黃由榜

朱端常 用湖州貫絳之子尚書 柳說 用臨安貫

十二年衛涇 狀元闈之孫

十四年王容榜

胡林卿 用平江貫甲科

王正綱 用泰州貫

十六年上舍魁釋褐

林至 字德久官秘書省

紹熙元年余復榜

趙汝澄 玉牒

慶元五年曾從龍榜

趙汝詒

嘉泰二年傅行簡榜

張浚

張渙臣

嘉定元年鄭自誠榜

衛价用鎮江貫仲達 衛洽涇弟

曾孫字藩叟

四年趙建大榜

衛洙右司郎中 趙汝邨玉牒

七年袁甫榜

十三年劉涓榜

孫一飛

胡瑯林卿之子

林革至之子

十六年蔣仲珍榜

張益臣

開慶元年周夢安榜

葉汝舟

柳正孫

三年方山京榜

錢夢安

咸淳元年阮登炳榜

曹應符 字泰叔 衢州 司戶參軍 趙崇峻

咸淳鄉貢進士陸寔龍 字伯靈 禮記郡魁

謝國光 字天觀

紹定二年黃朴榜

黃英發

五年徐元杰榜

杜從龍

嘉熙二年周坦榜

錢宜之

錢虞之

淳祐十年方逢辰榜

洪應辰

寶祐元年姚勉榜

錢拱之

布衣被召賜第

朱季質

內舍 呂元亮

衛謙

字有山 仲達 六世孫 宋末登第

特奏名 附凡三十一人

章祝

詹爽

衛仲遠

衛稹

朱澥	朱端復	柳榷	章移忠	錢九韶	朱宗卿	陳聖任
朱聞	朱伯龍	柳大韶	鄭丙	葉曷	葉簡	鄭灑 <small>第二名</small>
朱允	朱彥直	戚簡	林一飛	朱振	王昂	吳正邦
	朱端禮	黃裳	曹元昂	張伯起	姚端方	陳世德

雲間志卷中

雲間志卷下

懷土賦

陸機

余去家漸久懷土彌篤方思之殷何物不感曲
街委巷罔不興詠水泉草木咸足悲焉故述斯
賦

背故都之沃衍造新邑之邱墟遵黃川以葺宇
被蒼林而卜居悼孤生之已晏恨親沒之何速
排虛房而永念想遺塵其如玉眇綿邈而莫犯

高宗嫌名徒佇立其焉屬感忘景于存物惋墮
年于拱木悲顧盼而有餘思俯仰而自足留茲
情于江介寄瘁貌於曲曲玩通川以悠想撫歸
塗而躑躅伊躑躅之途之良難愍栖
鳥于南枝吊離禽于別山念庭樹以悟懷憶路
草而解顏甘董荼于飴苾緯蕭艾其如蘭神何
寢而不夢形何興而不言

贈從兄車騎詩

李善注曰
陸士光

陸機



孤獸思故藪，離鳥悲舊林。翩翾遊宦子，辛苦誰
為心。鬢鬢谷水陽，婉孌崑山陰。營魄懷茲土，精
爽若飛沉。寤寐靡安豫，願言思所欽。感彼歸塗
難，使我怨慕深。安得忘歸草，言樹背與襟。斯言
豈虛作，思鳥有悲音。

奉和皮日休吳中即事

陸魯望

清風地古帶朝前，遺事紛未寂。寥三泖涼波

漁鮫動

遠祖士衡對晉武帝以三泖冬溫夏涼

五茸春草雉媒嬌

五茸吳王獵所茸各有名

雲藏野寺分金刹，月在江樓倚玉

簫。不用懷歸忘此景，吳王看即奉弓招。

廻自青龍呈謝師直

梅聖俞

共君相別三四年，叢瘦骨還依然。唯髭比舊
多相，且黑。學術久已不可肩，嗟予老大無所用。
白髮冉冉，將侵顛。文章自是與時背，妻餓兒啼
無一錢。幸得詩書銷白日，豈顧富貴摩青天。而
今飲酒亦復少，未及再酌腸如煎。前夕與君歡

且飲、總數盞我已眠、鷄鳴犬吠似聒耳、舉頭
室屋皆左旋、起來整巾不稱意、掛帆直走滄海
邊、便欲騎鯨去、萬里列缺不借霹靂鞭、氣沮心
衰非欲睡、夢想先到蘋洲前、願君無復更留醉、
醉死誰能如謫仙

逢謝師直

梅聖俞

昔歲南陽道中別、今向華亭水上逢、把酒語君
悲白日流光冉、去無蹤

華亭十詠

唐 詢

華亭本吳之故地、昔附于姑蘇、佩帶江湖南瀕
大海、觀望之美焉、麻吳晉間名鄉、繼出風流文
物、相傳不泯、閭里所記、遂為故事、景祐初元八
月、予被

詔為縣、至部且一年、而囹圄多囚繫、簿書嬰期
會、蠹沒朝夕、精疲力殆、凡山川風物在境內者、
未嘗一日而講求焉、粵今秋、邑人有訟古泚湖

者持舊圖經詣度以自直因得而究之凡經所
記土地人物神祠墳壠所言甚詳行部之餘輒
至其地因里人而咨焉多得其真代異時移喟
然興嘆即采其尤著者為十詠皆因事紀實按
圖可見將以志昔人之不朽誠舊俗之所傳云
爾

顧亭林

顧亭林湖在東南三十五里湖南
又有顧亭林相傳陳顧野王居此
因以為名

平林標大道曾是野王居舊里風烟變荒原草
樹疏疎湖波空上下里閤已邱墟往事將誰語
淒涼六代餘

寒穴

金山北有寒穴清
泉出焉其味甘香

絕頂干雲峻寒泉與穴平還同帝其臺味不學
隴頭聲夜雨遙源漲秋風顥氣清誰云蔗漿美
終可折朝醒

吳王獵場

在華亭谷東陸遜生此子孫嘗
所遊獵後人呼為陸機茸今其

地為桑陸

昔在全吳日從禽耀甲戈百車嘗載羽一日舊
張羅地變柔桑在原荒蔓草多吳思人無復見
落日下山坡

柘湖

在縣南七十里湖中有小山生柘樹因以為名吳越春秋海鹽縣淪沒為柘湖吳地記秦時有女人入湖為神今其祠存焉

世麻亡秦遠湖連大海瀕柘山標觀望玉女見
威神渺、旁無地滔、孰問津何年化魚鼈鬢

鬢麻陽人

秦始皇馳道

在縣西北崑山南四里相傳有大堽路西通吳城即馳道

秦德衰千祀江濱道不修相傳大堤在曾是翠
華遊玉趾如相將見金椎豈復留悵然尋舊跡
蔓草蔽荒邱

陸瑁養魚池

在縣西今名瑁湖或云即陸瑁所居相傳有宅基存焉

代異人亡久漉池即舊居未移當日地無復故
時魚蒲藻依稀風流浩蕩餘水濱如可問一為

訪度除

華亭谷

在縣南紫行三百里入松江

深谷彌千里松陵比合流岸平迷晝夜人至競
方舟照月方諸泣迎風弱荇浮平波無限遠極
目漲清秋

陸機宅

華亭谷水東有崑山相傳即其宅陸機詩云鬢鬢谷陽水婉孌崑山陰今其地存焉

舊蹟傳遺趾悠然麻祀深人無令威至門異下

邽箴谷水當年溜崑山昔日陰魯堂那復見絲

竹若為尋

崑山

華亭谷東二里有崑山陸機祖葬于此因生機雲時人以崑山出玉因名此山以美機雲焉

昔有人如玉茲山得美名巖扃銷積翠谷水斷
餘聲為木今無在高臺久已傾如何嵩嶽竹獨
詠甫侯生

三女埋

在縣東南八十里相傳吳王葬女為三女埋于此

淑女云七久哀邱尚著名九原誰可作千載或
如生青骨何時化荒榛此地平空餘圖牒在不
復啟佳城

顧亭林 野王所居也

王介甫 安石

寥、湖上亭不見野王居平林豈舊物歲晚空
扶踈自古聖賢人邑國皆邱墟不朽在名德千
秋相其餘

寒穴

神泉冽冰霜高穴與雲平空山澗千秋不出鳴
咽聲山風吹更寒山月相與清北客不到此如
何洗煩醒

吳王獵場

吳王好射虎但射不搦戈匹馬掠廣場萬兵助
遮羅時平事非昔此地桑麻多猛獸亦已盡牛
羊在田坡

柘湖

柘林著湖山菱葉蔓湖濱秦女亦何事能為此
湖神年、賽雞豚漁子自知津幽妖窟險阻禍
福易欺人

始皇馳道

穆王得八駿萬事得其修茫、千載間復此好
遠遊車輻與馬跡此地亦嘗留想當治道時勞
者尸如邱

陸瑁養魚池

野人非昔人亦復水上居紛、水中游豈是昔
時魚吹波波浮還沒競食糟糠餘吞舟不可見
守此歲月除

華亭谷

巨川非一源、亦在衆流此谷乃清淺松江能
覆舟蟲魚何所知上下相沉浮徒嗟大盈北浩
浩無春秋

陸機宅

故物一已盡嗟此歲年深野桃自著花荒棘徒
生箴革芊谷水陽鬱崑山陰俛仰但如昨遊
者不可尋

崑山

玉人生此山山亦傳此名崖風與月水清越有
餘聲悲哉世所珍一出受欵傾不如鶴與猿棲
息尚全生

三女岡

自古世上雄慷慨擅功名當時豈有力能使死
者生三女共一址此憾亦難平音容若有作無
乃傾人城

雲間唳鶴之鄉也得名舊矣前人故跡多有
存者寥一千古斷碑殘刻不可稽證唐公彥
猷昔宰是邑得記籍于編氓遂即事物之尤
者賦為十詠相國舒王從而和之觀其立言
措意發揮形容豈務闡緝為一時綺語而已

撫事興悲該含教化使志士高人過而玩閱
殆有深思遐想不能不自者誠足嘉矣麻年
滋久哀次在後或未之見逮今府座檢討毛
公好古博雅得泉寒次序而銘之取斯詠載
其間余姑求諸別集而得焉且念唐公之作
刊示庭廡既久而此獨無傳抑亦文物之闕
事故書之翠珉以示方來庶幾海濱之邑自
是增光也尔權知縣事徐汲記

青龍海上觀潮

梅聖俞

百川倒蹙水欲立不久却迴如鼻吸老魚無守
隨上下閣向滄洲空怨泣摧鱗伐肉走千艘骨
節專車無大及幾年養此膏血軀一旦翻為漁
者給無情之水誰可憑將作尋常自輕入何時
更看弄潮兒頭戴火盆來就濕

顧亭林

鄉林空林木不見古人居猶尋古人跡更與古

人跡昔為賢豪里今亞蘆葦墟湖邊夜一月光
彩波上餘

寒穴

山頭寒泉穴淨若鏡面平慰齒先冰冷貯鉗微
玉聲傍有野鹿跡上啼林鳥清何由一往挹况
復方病醒

吳王獵場

孫氏有吳國四海未息戈獵以耀威武平野萬
騎羅英雄魏與蜀貌席一何多世事異莫究但
見桑麻坡

柘湖

柘土久陷沒千歲嗟水濱不復吳鹽邑空有秦
女神浩蕩吞海日曠濶迷天津扁舟誰能往早
暮逢漁人

秦始皇馳道

秦帝觀滄海旁人何得修石橋虹霓斷馳道鹿

麋遊車轍久已沒馬迹亦無留驪山寶衣盡萬
古空冢邱

陸瑁養魚池

來觀瑁湖水乃是陸生居春塘草幾變誰膾此
中魚草容科斗應亦有魯王餘不隨蛟龍飛神
鼈未可除

華亭谷

斷岸三百里縈帶松江流深非桃花源自有漁者

舟閑息見水鳥日共泛觥籌何當騎鯨魚一去
幾千秋

陸機宅

我思陸平原廢宅荒草深才高乃速禍事往不
可箴飢鳥啄樹顛野鼠窟庭陰黃耳亦已死家
書無復尋

崑山

陸氏幾世祖葬此生今名猶如產美璞遂耳傳

家聲寒巖蓄奇秀源水日東傾何言千載間二
子不更生

三女岡

吳王葬三女因畱此岡名已化彼粲質合有蘭
蕙生嬋娟夜月照曉藹朝霧平古魂如未泯不
遠隘閭城

過華亭

梅聖俞

晴雲唳鶴幾千隻隔水野梅三四株欲問陸機
當日宅而今何處不荒蕪

白龍潭題李景元畫竹

蘇軾

閒尤善墨戲米元章畫史嘗及之往來
松江上不知其所終

聞說神仙郭恕先醉中狂勢瀾翻百年寥落
何人在只有華亭李景元

醉眠亭

李行中

行中字無悔築亭青龍江上東坡名之

曰醉眠諸公皆有詩

簷低檻曲莫嫌隘地僻草深宜畫眠代枕莫憑
溪枕石當簾時借屋頭烟倦遊拂壁畫山徑貪
醉解衣還酒錢一水近通西浦路客來猶可掉
漁船

醉眠亭寄韓憲仲廷評

野徑荒亭草沒腰一眠聊以永今朝放懷不管
人間事破夢時聞夜半潮玉柱劉叉詩未獻金

龜太白酒難招知君有意尋安道咫尺何時動
畫橈

趙明叔太博未識醉眠亭先賦佳篇

要識荒亭路不^浦眎西橋北對漁家窓嫌日曝新
栽栽竹疎占畦長未種花壁上客來堆醉墨籬
根潮過積寒沙被人誤號陶潛宅也學門前五

柳邊

李行中秀才醉眠亭三絕 蘇軾

已向閑中作地仙更于酒裏得天全從教世路
風波惡賀監偏工水底眠
君且歸休我欲眠人言此語出天然醉中對客
眠何害須信陶潛未苦賢
孝先風味也堪憐肯為周公盡日眠枕麴先生
猶笑汝枉將空腹貯遺編

前題

前人

是非一醉了無餘唯有胸中萬卷書已把人生
比蘧傳更將江浦作階除欲眠賓客從教去倒
卧甍甍豈暇舒京洛舊遊真夢裏秋風無復憶
鱸魚

李常

陶公醉眠野中石君醉輒眠舍後寧亭人知醉
眠盡以酒不知身醉心長醒衆人清晨未嘗飲
已若醉夢心冥、淫名嗜利到窮老有耳亦不
聞雷霆醉石雖頑委山側苔昏日剥誰與扃牧

童樵叟亦能指率以陶令垂千齡危簷弱棟倚
荒渚海霧江雨穿踈櫺勿謂幽亭易推折勉事
偉節同明星

陳舜俞

酒胆長輕六印腰醉中一枕敵千朝興亡藐比
榮枯柳聚散者同旦暮潮酣法本應塵外有醒
魂徒向水邊招已聞佳士過從約不似江東返
去橈

張先

醉翁家有醉眠亭為愛江堤亂草青不聽耳邊
啼鳥亂任教風外襟花零飲酣何必過北舍樂
甚應疑造大庭五柳北牕知此趣三閭南楚謾
孤醒

王觀

松陵江畔客築從何年世俗徒紛、不知李子
賢在彼既不知不如醉且眠聲名衰、誰知命

醉非愛酒眠非病長江渾、無古今群山回合
來相映呼奴沽酒不可違買魚斫鱸煩老妻何
必紉繩繫飛兔百年長短空自知直將視虱視
天地冥、支枕窮四時九衢足塵土朱門多是
非秋風老蓴鱸扁舟何日歸

秦觀

醉來豐瘁同眠去身世失二樂擅一亭夫子信
超逸杯行徂老春肱枕顏外日壯志未及伸齒
願良自畢

張景修

樽前從容笑夢裏任花飛野鳥喚不醒家童扶
未端有榮還有辱無是即無非萬事藏于酒先
生亦見機

韓宗文

萬慮中來攪不眠醉時一覺自陶然冥、固已
忘天地豈向杯中覓聖賢

得酒休論飲得仙醉中遺物為神全世間反覆
無窮事吏部難忘抱甕眠

昔有遺賢世所憐滄浪亭下醉時眠松江變酒
終難待却對殘燈理短編

蘇

隱

疲人思向醉中眠物我儻然萬慮閑渴飲蔗漿
勞隱几吾身自足草萊間

趨陽渴鹿背清泉之子名亭取性便適意中間
却無事期君忘醉亦忘眠

晁端佑

瀟洒松陵江上亭醉來一夢傲雲屏生前笑語
君須惜世事紛、不用醒

盤石幽亭樂未央是非窮達兩相忘塵寰下望
如何許爛醉高眠自有鄉

塵埃收得一身閑飲盡春瓶曝背眠醉耳猶嫌
山鳥聒夢魂終日上高天

一枕雙湖意浩然狂歌酒盡即高眠吾生久與
時相棄好逐君歸作二仙

晁端彥

人生有出處兩事固希全達則都廊廟致君堯
舜前聲名喧宇宙指顧生雲煙不然早晦隱縱
意樂當年第一莫如醉第二莫如眠無悔水鄉
士子瞻稱其賢理照不干世作亭作臨泉歡來
即痛飲酣謔竟長筵陶·非假寐泯絕平生緣
盡得杯中趣常為枕上仙影從明月照名任清
風傳願君遂此志其樂更相先醉無三日醒飲
盡百斛船境界如古莽魂夢遊鈞天莫學不佞
者狗祿遭纏牽進無濟世志退無負郭田獨醒
少意緒寡睡多煩煎風波驚性命鞍馬即胼胝
未得立籬下應難臥甕邊區、為寡仕短詠愧
非妍

晁端稟

吏部甕間眠先生牕下卧偷綠醕飲盡晝喜清
風過人為清風快于酒擺落煩襟洗塵垢吾知
醉寢勝閑睡可以寄天真分忘世累溝瀆起江
漢幕席視天地蝴蝶不知緣變化黃梁未熟虛
營利從來閑處得閑樂何者功成與名遂隴西
夫子稱世賢世家自是酒中仙作亭占得松陵
地東坡名之為醉眠醉復眠兮眠復醉願養鄒
軻浩然氣賢人為濁聖人清昏一夢寐都忘形
花影滿身猶未覺竹風吹面不知醒憶昔樂天
貪醉吟一哦未免勞其心不如醉睡了無事其
樂陶一得趣深我身走塵埃羈鞅殊未息有所
思分在高軒欲往從之路艱塞無緣一榻同醉
眠空秃千毫揮醉筆

關景山

杜老顛狂尋酒伴經旬只走出空床輸君縱飲
還高卧長有生涯作醉鄉

貧饒北海杯中物靜勝長安市上眠亂地春風
吹不醒功成合與酒為仙

楊蟠

江花可醉草堪眠細想人間底處便客散樽空
欲歸去此身還被月留連

江上聊遊我未能羨君長醉卧高亭不因鶴唳
破殘夢還有涼風吹酒醒

清簟疎簾一醉身寂寥不稱詠詩人春風亦有
憐不意故擺殘花作繡裯

僧道潛

嘗聞李謫仙飲酒興無盡醉來卧空山天地即
衾枕當時放迹奇流俗不可近君今外形骸與
世不拘窘寸心合虛曠萬事一以泯開亭向幽
圃朝夕事醉寢茅簷落日欲醒時起對嬋娟拂
瑤軫

題千山圓智寺

沈遼

海天寥一未黍秋人籟已息烟露收數聲鶴唳
草堂靜何苦更向咸陽游

雲間

野天茫一秋水清生盡蒲蕨無人耕不知山三
吳地力壯老鶴空向烟中鳴

蠟屐去陽羨乘桴望雲間腰垂陶令印意在莊
生環斯民久困敝何用惠孤瘵於心倘有愧拂
衣歸故山

陸機雲碑

朝日欲出已復西人間興廢那可辨崑山陵谷
久已變水旁惟有將軍碑

佘山月軒

朱伯席

愛日開軒絕頂間屹然危峽壓層巒剪除群卉
當簷盡添得清光滿檻看亂石雲堆秋色冷老
松風入夜聲寒十年夢寐江鄉景杖屨終期日

倚欄

超果教院見遠亭

李景元

高僧欲縱目橋上見橫亭野水茫、白群山點、
點青容帆風送葉漁火夜迷星看盡朝昏景天
涯一畫屏

湖齋

朱之純

平湖十頃水汪洋得意茅齋且屈藏園種小桃
今結子池栽翠芰更聞香六龜已見千年瑞予
上治圃于桃根獲古雙鶴者呈八月祥昔時雲
龜六枚其小如錢 鶴觀每中秋月夜有仙鶴下集往往觀
之得名以此今予治圃谷水隣其地也居此倏
然忘世味此心尤懶去龍陽

寄題華亭朱氏谷陽園

蔡肇

陸機異時宅故物無復迹悠、谷陽水野水悽
餘碧我欲豪士賦文字豈不白一為功名誤未
路真可惜至今風雨夜哀鶴鳴不息千秋得吾
人淨眼照阡陌結茅風簷際一悟世網窄古今
一邱貉貴賤百年客閉門橙橘香隱几冰凍釋
我懸升斗祿矯首望八極人生勞逸間此殆天

所檄鵬翔赤霄動鯨噴碧海圻為爾具扁舟送
此齒髮迫

朱氏天和堂

朱樸隱居華亭黃裳自號天和子

谷水悠、水天濶、綠竹漪、玉龍活、天和堂在
翠微中、堂上誰誇青瑣闥、二俊昔為才所驅、未
識危邦何太愚、輕抱雄文走西洛、漫勞黃耳尋
中吳、豈謂七百有餘載、乃獲夫子營我廬、能向
平時脫羈絡、為悟浮雲此生錯、通道益深醉隱

亭載鵬風厚、逍遙閣萬累紛、無處尋須信天
和有斯樂、彼哉二俊胡不歸、空嘆華亭數聲鶴

徐鐸

先生晦迹谷水東、志趣不與晉賢同、遙聽鶴唳
笑二陸、巢傾穴碎非為工、浩然養素遠聲利、脫
去羈束離樊籠、醉隱亭中三十載、桃紅李白搖
春風、感時嘯聊、自適誰知富貴為窮通、羨君
高操超流俗、直疑變姓稱朱公

聞說隱君子天和長自如危言莊叟意谷水士
衡居窮達分已足利名心頓踈繡溪歸未得吾
亦愛吾廬

楊傑

趙挺之

華亭山水佳秀色宛如畫前賢有隱跡卜築侯
來者高人養天和放浪寄林野安知歲月徂但
喜名利捨傳家得之子流輩推博雅春風振客
衣逸棹東南下賦詩臺閣彥落一珠璣瀉持觴
拜親膝喜色動鄉社都城十二衢塵王翳車馬
一夢逐君行茲懷已瀟洒

豐稷

路左漿先饋門前屨幾重勇歸塵事擲恬處道
心濃弄水知幽谷觀雲想妙峯夜深孤鶴唳清
露滴高松

宣妙上方

劉正夫

水定浮春岫雅盤落遠林上方鐘送夕隱几興
何深

華亭秋日

張擴

陰雲薄一滿秋輝曉露含光濕翠微旁舍擊牛
嘗社溲酒荒城擣練給征衣淨如掃迹蚊無幾
多不論錢蟹正肥定是水鄉差可樂不應潦倒
未成歸

過澱山湖

前人

昨日過湖風打頭蒹蒲深處泊官舟近人鳥官
鳥語聲碎瀕海風烟日夜浮午飯腥鹹半鮭菜
客床顛倒一皮裘平生浪說在家好晚向波濤
未肯休

顧亭林

胡松年

海山盪佳氣千載傳古居平生讀書地竹柏靜
以疎忠義貫白日名不理幽墟苗裔今几何誰
能補其餘

船子和尚三詩

千尺絲綸直下垂一波終動萬波隨
夜靜水寒魚不食滿船空載月明歸
二十餘年江水上遊水清魚見不吞鉤
釣竿斫盡重栽竹不計工程得便休
三十餘年坐釣臺釣頭狂一得
錦鱗不遇虛勞力收取絲綸歸去來

又題松澤西亭

一葉虛舟一副竿了然無事坐烟灘
忘得喪任悲歡却教人喚有往來
一任孤舟正又斜乾坤何路指生涯
拋歲月卧烟霞在處江山便是家
愚人未識主人公終日孜孜恨不同
到彼岸出樊籠元來只是舊時翁

華亭道中

僧道潜

白水茫茫一天四空黃昏小西雨濕春風
五更百

舌吹殘夢月到官河柳影中

吳郡征北將軍海鹽侯陸府君侯之碑

君諱禕字元容吳郡吳人也昔龜鳳啟符媯

龍

之亂世為諸侯或

于陸鄉因氏姓

焉顯考吳故左丞相

聲聞于海內君繫遠祖

之懿緒承洪族之清

嵩嶽降其神淵瀆協其

氣是以景靈咸贊竒姿挺傑合九

性聰苞

五

敷政能

大業

經

德指瓊雪

而行瞰雲霄而厲峻節若夫博經好古立

圖

則思

之

神入幽芒之

而識其機苞萬品而

其指也尔乃披褐林

遲養直值

求士匪

藪沉

網繞

石之

幽澤無散髮之

君

歛節降志屈

從時赤烏六年徵宿衛郎中

遷左郎中治書執法

中校尉

立義都尉五官郎中騎都尉遷黃門侍郎君克

明 憲允亮納言

封海鹽侯加禪

將軍行左丞相鎮西大將軍事于時基辰

御

江河異宗皇晉蕃平南境有

君征北

則

儒色温 武弁則 氣莊爾乃撫戎廟奠量敵

北攻前

彼場 憚威之 也及其委戈執 入賓皇儲

若珍衽席講道論

而

其 世俗方昏日月不照鴻臚 射

狼競趨君恥甯武之詳愚厲相考之烈

興講

目錦疾 合采 受侮以遐遷永蕭 于積祀

到大康之

栖 水

鱗君將 之蟠奮將陽之羽 基之

入周陳洪謨于晉宇享年不永春秋知命

而 夫 君德 銘大勲令之通義人道之

事也君元子西曹章安二縣令奉車都尉衡
仲子 大夫 緣 子散騎 郎

前將軍麻陽宣威二郡內史嗜嗜仰堂構之遺
蔭蒙析薪之 荷詠 永思感蓼莪

山以代君命執翰以褒德庶同輝于日

月垂永照于罔極也乃作頌焉其辭曰 皇綱
不 天裂地 煌、南基敵輝北辰桓、

命作 龍嘯江 威響北振運否承泰六合

一帝鑒海嶽求其隱逸將彈南冠入亮皇室
我翼未揮 折何用不德命此執翰鏤金

作頌億載不刊泰寧三年歲次乙酉十二月壬
戌朔一日壬戌立

大唐故朝散大夫護軍行黃州司馬陸府
君墓銘

朝議郎行右拾遺新翰撰

君諱元感字達禮吳郡吳人也昔者舜嗣堯麻

協 初以闢門田育姜姓賓王終而有國其後
俾侯于陸開錫氏之源作相于吳纂承家之祕
立德之緒莫京于代曾祖慶梁官至婁令入陳
三辟通直散騎侍郎皆不就祖士季陳桂陽王
府左常侍隋越王府記室皇朝太學博士弘文
館學士父謀道 皇朝周王府文學詳正學士
並茂稱奕代餘慶資身擢慧葉而增芳飛靈波
而益濬去官辭辟語默稱賢亟席曳裾文儒繼
美君生而敏慧長而溫良識聰朗而惟深體矜
重而不野宗族愛而加敬鄉黨狎而愈恭始以
資宿衛解褐韓王府參軍事以下丁憂去職服
闋值國討狄軍出定襄戎幕擇材君為從事文
武吉甫斯之謂歟尋為婺州龍正邱丞替貳有
能風俗時變遷睦州建德和州麻陽二縣令育
人去殺訓物齊禮子游絃歌武城歎其焉用仲
康為獸中年稱其 及尋加朝散大夫除黃州

司馬到官未幾以神龍三年七月二十日遘疾而卒春秋七十有五夭不與善神無福謙不其悲哉粵景雲二年三月初一日葬于崑山禮也初文學府君以擅班固漢書

勅授舒王

侍讀君少傳其學老而無倦此易所謂幹父之蠱詩所謂聿修厥德者也嗣子南金等哀號及孝思率至卜兆是營封樹特永慶陵谷之變託詞頌休銘曰

簫韶儀鳳觀國之賓王我祚光兮東有齊土南入吳鄉我族昌兮自君嗣業履素含章我譽藏兮內遊籓邸外掃戎場我才揚兮為丞與令化洽三方我人康兮天子命我我朱孔陽佐于黃兮美志未及極盛圖云何訢穹蒼兮碩德休問天地久天永無疆兮

唐故朝散郎貝州宗城縣令顧府君墓誌公諱謙字自修其先吳郡人季麻丞相肅公之

後也漢魏以降蔚為茂族史譜詳載此得畧而
述焉大王父諱希揚登州軍州事衙推王父諱
彭堯州司戶參軍先府君諱行大宣州寧國縣
丞先太夫人吳郡陸氏公即先府君冢子也
體質魁梧風神朗秀溫其圭璧凜若松筠粵在
綺紈質性端敏卷舒進退逾于老成早歲舉明
經三禮三科洞達微言貫穿精義獨行不合時
流所排晚節以謏笑曳裾麻諸侯上客魏帥何

公一見若平生交表公高才請宰劇郡由是禍
衣拜貝州宗城縣令公以戎虜之地民俗驕悞
非鳴琴可齊展驥仍棄理張翰之扁舟企陶
公之躡浙有勝地雲間故鄉豹隱鴻冥韜光
晦迹其有崑廊彥士島逸人每披霧見天開
雲觀雉莫不高山仰止如不及焉噫人皆知麟
鳳之為瑞而不知善人為瑞也不使公執政當
路于時元龜不泯于將來盛德必鍾于後

嗣造物者大誤彼蒼生之不幸乎嗚呼夢感
兩楹生二豎以咸通十三年歲次壬辰六月
二十有八日丁卯啟手足于蘇州華亭縣北平
鄉崧子里之私第享年六十有七先是公于第
之南隅列植松楸有公叔之想焉明年歲在
癸巳十一月二十四日乙卯灼龜析著姑遂先
窆于茲原禮也夫人宏農楊氏貞順婉約閨
門楷儀爽撫孤罔不遵禮僕滁州全椒縣尉
先公而逝女一人適明州象山縣令張夔男六
人長曰寰杭州監官縣尉次曰台常州晉陵縣
尉次曰占旁州館驛巡官試左武衛兵曹參軍
次曰寔鄉貢明經次曰滔次曰潛皆在嬰幼唯
寔與滔公之亂咸能接物孝悌治身
動惟直方靜必溫克奉詩禮之明訓在邦家而
有是使聯榮清途列羽霄漢有後于魯斯其
比與女二人長適吳郡張聿之經明出身解褐

蘇州府華亭縣尉次許嫁吳興姚安之登童子
學究二科再命為東宮舍人率皆禮樂名儒簪
纓盛族公之中外姻表輝映當代不可一二而
言也嗣子寰欲之不絕感陵谷之感遷泣血
號泣請銘幽石恭為銘曰

愷悌君子兮如珪如璋鳳鳥不至兮麟出罹
殃彼蒼不仁兮曷為其常甘泉倏竭兮風燭
摧光孤惻洒血兮行路淒傷青鳥告兮寧

神高岡

新建至聖文宣王廟記

陳執古

至矣哉先儒之稱夫子也子貢則喻諸日月孟
子則冠于生民通其祀則韓吏部以社稷為非
嚴無其教則杜子謂夷狄之不若是皆傑出
意表垂範將來扶狂簡之肺肝判異煩之耳目
膚淺庸蔽又何如乎若乃誦聖籍以知歸服儒
衣而不變以嚴師為己任將尊道為士先苟得

其人不能乎位華亭縣者嘉禾郡之劇邑也當
土散水煩之地屬風頽俗穢之餘民無堅正之
心世尚剽狡之氣淫神以邀其福佞佛以逃其
禍先王之教咸罔聞知廟貌之靈宜夫妄頓
自錢氏納土宋運有開年麻寢深邑長相繼
殊未思政理以五常為本由夫子而明必有宗
是宜崇祀率祀如弁髦之敝孰能存愛樹之心
介于梵刹之隅甚矣鄭門之困今天子明神

所勞禮享聿修典冊攸存牲幣靡闕而况褒成
教位極真王通邑之祠不絕如綫非所以副
國章之舉廢俾鄉校之知方少傳劉君是以
有志于斯也劉君世編官族代傳素風養勇久
負于一鳴遠道無辭于寸祿下車而姦盜屏假
印而獄訟清胥尹伏從閭里競勸當其至止首
謁聖師撥蠨蛸而入戶履蔓草而升堂
陞致美且慙于黻冕改為奚及于緇衣殘像毀

殘侍座跛倚裴面瞻覩俯仰咨嗟不易新規曷
成大壯爰求隙地得于縣東營爽塏之基委諸
薙氏度中代之木命以梓人民忘悅使之勞吏
謹不愆之素由是重門祕殿敞大廈以耽、東
序西廂亘文楹而翼、後建殖庭之宇用鋪講
藝之筵旅楹既閑陋堵室之非度縮版以載見
宮墻之特高而又約奉身之資捐計日之俸儼
睟容而允穆飾華袞以鮮輝入室之賢佺、侍
坐陞堂之衆濟、負墻置孝爰之一人與配侑
而兼列如在之威神備矣致誠之典禮敷焉俎
豆嘗聞風雨攸除嗚呼大道既隱明王不興儒
雅之傳沒、無媿矧夫 皇猷允塞文令闡揚
夫子之英煥、宜久豈獨行于萬里長幼之序
有倫如能達彼四方齊魯之風可變執古性惟
樂善學媿親師 聖門難言誠甘取誚互鄉與
進冀許偕行直書內疚于無文不朽幸刊于美

石時天禧二年歲次戊午閏四月十有一日記

福善院新鑄鐘記

呂諤

昔皇帝命伶倫氏鑄十二器蓋鍾之始也召從律之氣揚治世之音上同和于天地下協替于神人暨西域聖人化寢中國海貯真教星羅梵宮方袍之士佛肆之間亦建鍾也大者數萬斤小者數千斤或謂振豐隆之響鼓鏗鏘之聲警六和之衆息三塗之苦天下之人信服斯語悉

務蠲施曾無間然矣福善院屬秀州華亭縣之西北隅內熏浦之陽偽吳

貞明六年之

所建舊曰尊勝 皇宋大中祥符元年肇錫新額斯院也臺殿輪奐廊廡完備象設孔嚴緇徒櫛比惟鍾闕如院主沙門邁來大師幼脫塵網素演竺書內行醇明外貌芳潤忽一日喟然嘆曰凡燕居蘭若式遠郭郭苟無鍾梵之音曷為我晨昏之號令耶遂命門弟子紹謹與耆宿僧

德成麻冒風霜漏誘檀信隴西董仁厚欣然樂
善首施淨錢財三十萬緡是近者遠者靡不悅
隨天禧四年冬十月諲乃抵郡薦狀乞聞 天
庭尋 詔下許輸錢易銅以鑄斯器明年值洪
水方割下民昏墊亟就茲緣時不我與泊天
聖二年歲之豐和俗稍蘇息諲復率衆聚財載
聞郡政乃命青龍鎮巡檢侍禁太原王公繼賚
泣而鑄之公芳猷蘭秘峻節霜明幹局有聞從
事無曠十二月己巳晷氏設良冶而鍛鍊焉境
邑士女觀者如堵銅既山積火亦烟熾洪爐啟
而祝融奮怒巨橐扇而飛廉借力凝煎沸涓翕
赫霄環俄而烟飛激歇豁然中度華鍾告成厥
功斯就揭珍臺而彌奐發鯨杵而大鳴激越人
天聲聞遐邇不枰不鬱不 不究匪獨遵導我
之真侶抑亦聰彼之群聾縱使漢宮千石感崩
山而發秀豐岫萬鈞應嚴霜而振響豈得同日

而語乎諤丁制滌陽退居江左承命叙事 讓
弗違謹直書其實云耳時 皇宋天聖三年二
月十五日記

重開顧會浦記

永興郡領邑四號繁劇者華亭居其首唐天寶
中析吳郡東境而置焉負海控江土為上腴其
魚鹽之饒版圖之盛視它邑之不若也 國朝
重馭民之官宰是者非名通閨籍秩在京寺則

未始輕授慶曆辛巳歲夏六月彭城錢君以九
棘丞來更縣章君再調百里 允積政

聞有因仍未皇者 思諗窮之顯乎改為如恐
不及直縣西北走六十里趨青龍鎮浦曰顧會
南通漕渠下達松江舟楫去來實為衝要平時
芳甸傍羅迤邐灌溉之厚民斯賴焉自韓山之
陽地形中阜積淤不決漸與岸等每信潮吐納
財及半道而止者垂三十年康定建元之後愆

澤仍歲浦無流津榜人其咨捨舟而徒錢君惻
然有濬浦便民之志道建 明年春由青龍
睨江濶所來圖上其狀遂以議白府會府公集
仙錢侯偃藩之初銳于振舉周覽風俗憫時蓄
凶期于順成刻意溝瀆樂聞斯議深然其請乃
籍新江海隅北亭集鄉賢四鄉之民得役夫三
千五百五十人府教以尉孫君專董其役既授
成美乃克濟美厄徒之始患穀高民飢又重費
官廩募邑之大姓泊瀕浦豪居力能捐金錢助
庸者意其豐約疏之于牘誘言孔甘喜輸叢來
凡得錢一百三十六萬計粟之直頭會而晨敷
之繇是揆日戒告標明部分定幟臚呼荷鉦雲
集澤門廢不勉之扶東山賦志勞之詩興三月
辛酉訖四月己丑始于邑郭終于江澨增深四
尺槩廣八丈無慮役工十萬二千九百五十畚
土平道者不預焉距縣半里舊設堰堤壅其上

流今則仍貫按圖經縣管塘浦大而居其最者
五顧會是其一焉次曰盤龍曰嵩塘曰趙屯曰
大盈而嵩塘首源與顧會合俱支流股引環清
民壤錢君又諭墾田者乘農之隙戶出丁壯咸
顧會疏導之其或歲苦淫雨水沴且作則敗去
防庸縱其澶漫自浦而泄匯于大川若驕陽盛
怒蘊隆為虐則渚潏潮波分注壘剛由浦而入
潤漑千頃夫然則陰陽慘舒之權歲時農豐穰
之候可移于人手向水旱之足慮哉爾其堤
屹起素波盛滿烟霞澄滅乎萬狀奔淪朝夕而
雨至行商力穡者各適其便擘音壤歌而歡騰
其間于是邑氓之耄老鼓舞聚而言曰茲浦之
堙為吾儕病久矣曩時字人者雖廉得利害而
嗇于經費豈物有通否必待其人耶今吾宰以
和惠浸人髓以鍼石去民瘼興壞起廢易于轉
圜是舉也靡殘乎私罔耗于公因民所欲而利

之則圖天垂久之制孰愈于是哉噫蒲穀之爵
風化所繫昔人之以最課異績美在御記史者
不可勝記今之為縣者雖于通人之才難于施
用而易于黜晦率不過循蹈常轍飭身養望為
榮名之漸坐守歲華幸而代去其于建利除害
幾何哉觀是浦也則錢君政治之淑慝從可知
矣儻工之辰命寀僚浮舟以落之岷職當載筆
宜識其事聊謹歲月以俟來者云慶曆二年歲
在壬午四月二十九日記

濟民倉記

李璋

夫事有鉅可遺而微可書者抑有民忘其勞猶
以大為小者其並見于秀州之華亭縣倉乎治
平三年五月一日予艤舟倉下會老人植杖而
言曰我邑歲輸公租一十萬有奇入于州戶苦
之近俾就藏僧寺客亭人憂之借糧昏種數加
多無定計夙夜警邏皂勤之素無倉也其誰敢

議其倉者今倉成之初築疏圃割湖地為教十
八容受十二萬民自請號濟民倉實濟而悅之
也翁云自祖父來脫五代湯火沐浴膏澤拭目
觀太平踰百年為幸民未識官倉今見之益以
幸翁頃嘗病河之水船阻而寢矣官督急昏是
猝而扶矣此豈倉之屋乃民之身矣倉字身字
而已矣民之心一若是如何不曰濟之乎翁且
不知知縣誰何翁聞嘉祐七年夏迎來次年七
月散議請于州、請于外、從其議已而民願
助力者源、不可過于是遠致海木又不半稔
而倉立翁在田中與鄉人聞則不信亟闖之赫
哉偉乎其可信之也迫而察仰而觀非人力神
而化之也翁怪如是乃詢于眾、謂我家既力
有餘也今不吾擾愷悌之恩也詩云悌愷君子
民之父母父母有命可違乎倉費大共助之小
也令言重分任之輕也費之愈大命小也言之

愈重愈輕也恩酣心而勞忘形也湖亭蔬圃不利人而害人者也昔諺有之曰青亭葺而游不理而休青圃滋而育蔬不供而朴今變害為利反諺為頌其頌云倉亦有亭廡亦有圃亭席高廣圃茹蕃廡翁又曰古聖賢興利在民者以為稱職恥名之常也後世興作游觀利在己而反名之是自名其無恥者也今知縣其如何人也然翁聞倉成之日與諸僚吏落之日吾不圖為倉而至于斯也慰民心而自謂濟之也已然則翁知夫知縣之志在柱石朝社而不在委積未忝也宜矣奈何民之言曰事雖鉅而無益莫若微而有隱德微猶然况大者乎翁亦曰頌可傳莫若刻之于石千萬斯年子盍記之乎為記之蘇士李璋也為書之益監殿丞徐大方也為立之題之者主簿方澤縣尉朱德新也茲二人寔佐佑于知縣殿丞袁公成倉者也公名晉材

字器之淄人也

思堂記

蘇軾

建安章質夫築室于公堂之西名之曰思曰吾將朝夕于是凡吾之所為必思而後行子為我記之嗟夫余天下之無思慮者也遇事則發不暇思也未發而思之則未至已發而思之則無及以此終身不知所思言發于心而衝于口吐之則逆人茹之則逆余以為寧逆人也故卒吐之君子之于善也如好、色其于不善也如惡、臭臭豈復臨事而後思計議其美惡而避就之哉是故臨義而思利則義必不果臨戰而思生則戰必不力若夫窮達得喪死生禍福則吾有命矣少時遇隱者曰孺子近道少思寡欲曰思與欲若是均乎曰甚于欲度有二盎以畜水隱者指之曰是有蟻漏是日取一升而空之孰先竭曰必蟻漏者思慮之賊人也微而無間隱者

之言有會于予心余行之且夫不思之樂不可
名也虛而明一而通安而不懈不處而靜不飲
酒而醉不閉目而睡將以是記思堂不以謬乎
雖然言各有當也萬物並育而不相害道並行
而不相悖以質夫之賢其所謂思者豈世俗之
營、于思慮者乎易曰無思也無為也我願學
焉詩曰思無邪質夫以之元豐二年正月二十
四日眉山蘇軾記

思堂記

章望之

吾族弟質夫官華亭縣之初治其官寺為思堂
以居予為述而記之曰君子慮于正小人慮于
邪惟邪動罔不凶惟正動罔不吉是宜戒哉戒
之哉有攸為也君子之于是乎不勤則不成不思
則不得故夜而思之旦而反復之盡日以行積
日以為月積月以為年積年以為世為善而無
厭然後大善立矣是以君子行務五德四失曰

夫何謂有德道貴有仁貌貴有禮言貴有信心
貴有義業貴有學也道貴有仁所以成身也貌
貴有禮所以交人也言貴有信所以誠物也心
貴有義所以制事也業貴有學所以通理也何
謂四失非也過也怨也忿也非無容一過無容
再怨無容長忿無容善在我思必有不善在
我思必無思之于以少已也古之人有
立常由此今

名進士入官而予于世法所宜尊而畏

之視處必志于有為乃斥其所趨而為之記

超果天台教院記

陳舜明俞

天台氏之建他化也以觀心為法以念佛為宗
觀心者觀有心以至乎無心念佛者念彼佛以
證乎我佛或陞階納陛同踐堂奧或順風乘航
橫絕苦海真可謂大乘之淵源導師之方便者
矣原夫清淨本然無有空假因緣忽生萬法以

起河沙妙門一念而足所以體同寂照神冥樂
域邱陵坑坎悉見嚴淨衆鳥行樹皆出法音用
之則然何遠乎爾佛隴肇基神化周浹諸方向
風緣應如響則夫來回衆之珍聚肆六時之白
業棟宇具而神人安鍾梵作而齋戒修又可闕
乎秀州華亭縣天台教院者真鶴唳之與園寔
龍象之精舍先是界相東南地隙草茂時和年
豐民有餘施師徒日演廣廈斯作講誦未聞人
莫之知嚮法師惟湛台嶺之宗實為苗裔言厭
遊方聿來胥宇既以知見提撕其親學亦用方
便誘掖于里俗于是檀供旁午規模備具復即
淨室作西方彌陀之像其高十有六尺巋然垂
臂若將援溺以應經量邦人吳延宥善施樂義
乃為之捐金以極塗飾然後居者有以系瞻誦
之懃游者以之起師仰之願揭像運之雄觀畢
空門能事矣嗟乎誰為布施為住于相衆生不

受頂踵慳貪無厭暗覆真覺集為苦本流轉生
滅莫知收止故夫信捨作則執着亡執着亡則
空寂見空寂見則佛性具矣誰謂聲色不足以
見如來今夫金山之聚不輟乎吾日和雅之音
不息乎吾耳塵法雖外其心則戒苟聞見則
無佛故夫樂苦空而斷因果厭諸相而求解
脫未足與語道者也院既大成嚴像且畢以僕
夙體斯道見囑隨喜云時熙寧五年正月辛巳
記

海惠院經藏記

陳舜俞

秀州攜李之奧壤華亭啖縣鶴之名邑白牛村
在其西有人烟之富海惠院于其間為蘭若之
勝先是賜紫僧奉英智力膚敏傑為主者乃募
人書所傳之經其函八百其卷五千四十有八
而居人吳氏子行義施號為長者為之募財俾
工作轉輪而藏之其屋若干楹載龍載飾以

以金碧以某年某日落其成也白牛居士陳舜
俞叙其義而贊之曰天下之險東有秦華南有
衡岷西有崑崙龍門北有太行羊腸此天所以
限方域也然而寶貨出焉而負重者至草木禽
獸生焉而樵蘇弋獵者馮者蹶而傷下者蹈而
死又生、之大患也聖人為之觀轉蓬而作車
以載之嵯峨決而蹊通崑岷碎而塵飛視于俛
以為夷化顛踣以為安其車之為利益遠矣無
明之山慳貪之祖嗔恚之岡癡暗之雀鬼詐妄
之叢棘淫林深亂之坑谷豁澗而衆生莫之能
免也于是教之以法為車以布施為輶以禪定
為軫以忍辱為轂以持戒為輻以勇猛精進為
輻以般若為輪度脫詩諸險不墮生死始于自
載終于載人故此經之輪不為無意也况夫我
為法輪致遠由已有相雖外發心必內心轉輪
駛心止輪柅舉真如之性海一指而遍盡塵沙

之法門有念斯足須彌納于芥子滄海入于毛
端真體道之樞機利物之關鍵作之可謂妙用
施之者不為無窮之利乎若夫山澗同平夷險
一致馳騁乎無傲之駕遨遊乎無方之機非作
非止孰溺孰載吾非斯人之徒其誰與遊然殊
途同歸何遠之有

布金院經藏記

陳舜俞

布金院去邑七十里有上人曰清已者其行淳

白善護其法所謂慈惠精進者歲既久閭里莫
不嚮焉邑人顏氏子乃首施錢二百萬書其凡
所藏經又相與營大屋為輪而環積之其後工
未就于是人無遠近爭投以財越三年而告成
函以文木襲以綈錦載以革輪瞰以藻閣繚以
朱貝肩以蚪龍覆以隆厦周以廣廡方琢圓磨
明怪幽巧塗金間壁碧巖飾襍繪總用錢千萬
前後施者略數百人煥乎盛矣夫西方之書生

滅之極設也。生滅者周於流而無窮，周流之謂
迹無窮之謂性迹。有去住性無前後，萬物見義
莫妙乎輪。之名有二：一曰法輪，佛之所乘也。
智慧解脫以動之，戒定悲忍以行之，小而入乎
微塵而有餘天，而御乎虛空而不能容，擬諸形
容而莫之能名，法輪也。其二曰苦輪，衆生之所
乘也。動之以煩惱貪著，行之以嗔亂罪害，上驅
乎天中，馳乎人下，轉乎地散而入乎鬼神之都。
禽獸之鄉而莫知其歸，擬諸形容亦莫之能名。
苦輪也。噫，在佛為法，在衆生為苦。存衆生乃有
佛，非佛不能度生。然佛之度衆生也，未嘗脫吾
輪而載之。蓋即其所乘而指其所嚮，故能方軌
同轍而出乎無窮之域焉。耳。然則凡所謂輪者，
可以摧止諸苦，令法流轉亦幾于佛矣。輪之成
也，上人以予善解其義，其文足以申贊嘆見屬
者，不遠千里，某年某月記。



華亭縣學記



劉發

元祐五年夏四月辛丑左宣德郎秀州華亭縣
事劉侯初視事越三日癸卯謁先聖廟顧新
學有左廡而闕右廡食無庖爨居無什伯之器
垣墉不立犬豕得以游處而無虞劉侯惻然環
視彷徨歸則發政以惠民徐以善言風諭邑內
邑內欣善莫不犇走以承命于是學始繕宇又
風諭得衛民買國子監書以資諸生乃屬其佐
劉發為之記且曰新學之建吾無與焉必為記
不忘前人之功力尔已而發解官劉侯又以書
見速且曰學始謀于陳侯卒建于陶侯無以吾
廁于二人之間劉侯之意固忠厚矣而事在眾
人之耳目非可誣也輒廣記而備言之華亭大
縣也旁小縣皆有學獨華亭無之蓋浙西善事
佛而華亭尤甚民有羨餘率盡以施浮屠故其
他有所建置莫易以成就先聖廟政在縣治側

湫隘庠陋旁不可以為齋館自吳侯及為宰已嘗有意遷易之而勸導率不過後三十年而陳侯謚復議建學是時邑人衛公佐率先願獻縣之東南地且求獨建先聖殿歸即築土治木預為戶牖加添飾以須期會期會未定陳侯以事去議又罷久之浮屠氏從公佐乞所治材為佛宇公佐曰此材可使之朽腐必欲移用則不可相繼陶侯鎔為政而公佐死浮屠氏又從其子弟求其材為公佐祈福其子弟則今買書者也固執如公佐之意于是邑子朱慶朱伯夔周楊許朱以之干陶侯陶侯使之白州郡監司曰州郡監司見從吾無不從者四人者乃率眾士人詣郡太守又詣轉運使皆得請遂擇日鳩工而四人寔董其役邑人素願盡力者固已各寔其言矣而它無助成其事者故積久卒成于劉侯盖若有待焉夫致治不可不先學校雖庸人孺

人皆知之學士大夫方困布衣必以是說應有
司之求及其入官則背之果何以哉蓋上之所
程督者常在獄訟簿書而考績不及于教化故
也以文盛之時建學校于多士之地或有其意
而不能遂其議或遂其議而不能致其事或致
其事而不能成其功故發詳記其寔以為上下
之勸使後之觀者知成功如此其難無至于廢
而不治云

隆平寺經藏記

陳林

青龍鎮瞰松江上據滬瀆之口島夷閩粵交廣
之途所自出風檣浪船朝夕上下商巨賈豪宗
右姓之所會其事佛尤盛方其行者蹈風濤萬
里之虞休生歿一時之命居者歲時祈禳吉凶
薦衛非佛無以自恃也故其重楹複殿觀雉相
望鼓鍾梵唄聲不絕頃寺之隸鎮者三獨隆平
藏經未備治平四年邑人陳守通乃始出泉

書而棲經無所沙門道常即法堂舊構 衆力
植巨軸貫兩輪納甌五百放雙林善慧之制藏
所謂五千四十八卷者始熙寧五年之季秋成
六年之孟春而髹漆繪事所以為莊嚴者垂十
年工不克就元豐四年曹侯永逸王侯景環琮
之來也憫其垂成僅廢因籍藏之所入發其端
更其徒行清主之末几城邑區聚由盧遠而下
凡十人不謀而赴隨力之厚薄皆有其事規模
法象即其書皆相合高下度數按其體皆可考
袤二丈有二其崇加三上為諸天宮者八下為
鐵圍山者二承以藻閣覆以重楹八觚竿聳方
甌鱗比雲蓋雨華繡紛蒙蔽法從道衛循繞環
匝翼以天神袂以力士欄栱欂櫨楹牖扶柱皆
雕鏤刻琢塗金錯采材致其良工盡其巧靡麗
侈 言不能既而見者知焉經之費凡三百萬
材之費者十之二工之費者十之三髹漆之費

者十之四塗繪之費者十之五越明年元朔合
黑白二衆落成之比旋右轉聲蔽鏡鼓觀者為
之目眩聞者為之耳徹于是人知方等一乘圓
宗十地之為可依也始十來以一大事因緣出
見于世曲徇根器巧說譬喻最後乃云四十九
年未嘗以一字與人而祕密法藏獨付于靈山
拈華之時則知無說無示者是真說法無聞無
得者是真聽法所立文字假名權寔是以尊者
迦葉之集四篋大智文殊之結八藏近傳五竺
遠被八荒其感應顯異則有若士衛投火而不
焦賊徒盜葉而不舉其功德博大則有若聞一
偈而入佛初地持一經而生天七返蓋經典所
在則為有佛書之虛空天蓋上衛况嚴持奉事
如此之至哉嗚呼竭大海水盡妙高山雖筆墨
有窮而不能及物佛一句少分之義以全之淺
陋何以語此而行請數來請文所願贊其成也

于是乎書元豐五年春正月馮翊陳林記襄陽
米芾治事青龍窰老相遇出此文愛而書之

重開顧會浦記

楊 炬

三江東注震澤介其間潦集川溢畎澮皆盈而
浙右數被水患蘇秀湖三州地形益下故為滋
甚紹興甲子夏大水吳門以東沃壤之區悉為
巨浸部使者飭郡邑詢求故道導源決壅以洩
水勢于是監州曹公以身任責慨然興嘆曰吾
嘗巡行屬邑講問民瘼亦既有得于此顧未有
以發之也觀雲間之為縣連亘百里彌望皆陂
湖沮澤當春農事方興則桔槔蔽野必盡力于
積水而後能種藝是宜地勢愈卑當有支渠分
導潴水而納之海乃麻覽川源攷視高下訪于
父老謀之邑僚得顧會港自縣之北門至青龍
鎮浦凡六十里南接漕渠而下屬于松江按上
得故閘基僅存敗木是為旱潦潮水蓄洩之

限復得慶祿二年修河記于縣圃而知茲河廢
興之歲月與夫淺深廣狹之制役徒錢穀之數
判然察其惠利之寔有在于此矣蓋祿百有六
年河久不濬而淪塞淤澱行為平陸遂以狀請
于朝籍縣之新江海隅北亭集賢四鄉食利之
民以䟽治之官給錢糧而董以縣令簿尉公偃
冒風霜率先僚屬興工自十月二十有六日役
三月而河成起青龍浦及于北門分為十部因
形勢上下為級十等北門之外增深三尺而下
至鎮浦極于一丈面橫廣五丈有奇底通三丈
據上流築兩挾堤因舊基為閘而新之復于河
之東闢治行道建石梁四十六通諸小涇以分
東鄉之滯浸不旬決水落土墳由是自韞山東
西民田數千頃昔為魚鼈之藏皆出為膏腴豈
不美哉役工二十萬用糧以石計七千二百為
錢以緡計二萬五千若其他凡見于前記者茲

不暇錄訖工之辰憲臺以常平官復視公與邑
僚泛舟從遊還當書其以刻于碑之陰毋事
于誇也炬安敢不勉遂識其歲月及其功利而
不復為之文紹興十五年歲次乙丑三月望日
記

華亭縣浚河置閘碑

許克昌

皇帝克肖天德剛健精粹高明悠久夙夜于道
日月以照之雷風以動之小大之臣廼震廼肅
丕應彛志犇走率職智不敢闕謀勇不敢爰力

成順致利罔不從欲以能大宅天命昭彰

光堯之盛烈群生雍、焉惟蘇湖常秀四郡經
渠數百畎漕數千脉絡交會旁注側出更相委
輸自松江太湖而注于海而所入之道歲久填
闕雨小過差則泛濫瀰漫決齧堤防浸灌阡陌
廼隆興甲申秋八月淫雨害稼明年大飢上
臨朝咨嗟分遣使者結轍于道發廩賦粟以活

餓者廼博謀于廷曰維雨暘之不時予敢不懋
于德然使水旱之不能災者寧無人謀或曰巨
家嗜利因歲旱乾攘水所居以為田則雖以隣
為壑而不恤既瀦水之地益狹則不得不溢盍
盡覈所占而鑿之以還水故宅庶民病其少瘳
乎上曰是誠有之然不可悉鑿也寧疏水下流
而導之會有言蘇秀勢最下華亭又近海十八
港皆有堰捍潮可一切決之四湖所瀦水宜為
斗門以便節減上覽而異之亟命兩浙轉運副
使姜詵與令丞行視其宜姜侯開明強濟誠愛
果達有仲山甫匪懈之節既受旨即馳布德意
諏訪故老周覽川野窮源委度高下審逆順取
衝要盡得其便利以聞曰東南瀕海之地視諸
港反高雖有神禹不能導水使上也盡開諸堰
適能挽潮為害開湖以瀦水可矣將以決洩而
下流猶壅則無益也今宜浚通波大港以為建

甌之勢又即張涇堰傍增庫為高築月河置閘其上謹視水旱以時啟閉則西北積水順流以達于江東南鹹潮自無從入千人稱善即可以常平之帑贍其役且與守臣鄭聞會其事制許焉則相與庀徒揆日賦材計功一木一石一夫一工皆窮校研覈纖悉周密費而有節既具以授之縣令待其銓待其亦健吏也始協謀終盡力威以梏姦說以使人一木一石一夫一工必手自賦給不可瘳匿檢程視作弗容苟簡乃浚河自蕪山達青龍江口二十有七里其深可以負千斛之舟因其土治高岸護青壑傍故水所敗田數萬畝還為膏腴為閘于邑東南四十有八里增故土七尺甃巨石兩趾相距常有四尺深十有板、尺有一寸月河之長三千三百五十有五尺廣常有六尺凡浚河之工萬有一千二百金工石工木工畚築之工伐取運致之工

總其數槩七倍于浚河靡錢緡九千三百五十
四粟石二千三百有九十始于仲冬之朔凡五
十有五日而畢蓋歛未嘗及民而民亦若不知
有是役也于是耕夫野人相與來言曰昔也十
日不雨吾倚耜而待澤十日而雨吾捧土以增
坊今四川之人自是知耕歛而已雨暘惟天可
也此吾今之澤而二三大夫之力吾儕鄙人也
持牛尾拊蹈而歌鳴、言語下俚不可聽也盍
為戒文之克昌竊迹前事鄭白之渠成而關中
沃野無凶年其民歌之班固志焉于今盪耳目
也今 天子仁聖勤儉宮中無一椽之營獨念
稼穡之艱難遇災而懼食不甘味寢不奠枕務
以興天下之利而忠恪之目畢智慮展四體迄
此成功乃野人之歌不足以被管絃垂汗青倘
大史氏又以為主上盛德大業固已不可勝載
茲特一方之細故略而不志則是使四州之大

利曾不得齒于關中之二渠垂光萬世此承學
之罪也乃為歌五章以遺斯民使知角擊壤以
極其鼓舞懽愉之情用發揚聖德亦使知自今
農為可樂而招之反本云若夫念圖功之孔艱
嗣美績于無窮加治于未壞時浚而勿壅尚屬
諸來者其詞曰

水橫流兮無津涯浩、洋、兮誰東之帝不
寧兮謀臣來謀臣兮夙夜水溜、兮迤而下
不蹇芟兮但耕稼君王智兮如神禹川后禹
師兮莫余敢侮且決且漑兮介我稷黍我受
一廛兮終善且有汝行四方兮曾不足以糊
其口盍歸來兮君王錫汝以萬金之畝 帝
謂兮三臣錫之福兮慰汝勤報我 君兮歲
後天施我孫子兮彌豐年乾道二年十二月
二十五日記

縣齋詩序

朱之純

彭城劉侯元祐庚午來宰雲間下車日先修
庠序次立教誡下至簿書期會各有條理今來
十旬一境告治訟庭清明幾致刑措于是即縣
齋之東新其一堂一亭一閣堂曰弦歌亭曰三
山閣曰良閣與士之賢者講論歌咏于其中蓋
將有志于美風俗也然予嘗思之自浙右為邑
未有繁劇過此者其境東南濱海西北負江帶
湖方二百餘里其戶口除浮寄浪居而占于籍
者亦不下數十萬比嘉祐初大常丞吳公所治
往、三倍其數故生齒日衆情偽滋多而獄訟
少有衰息厥後欲鎮以寬者失之慢矯以猛者
傷于刻間有慨然將勤以濟之者雖戴星出入
日昃不食力愈勞神愈耗而姦冗鬪狠終不能
勝是何即豈其搽術本末之倒置與將意其難
治而作聰明之過與抑亦不能平易而以百姓
之心為心與不然何四十年間民用不靜而劉

侯之來未幾而風移俗易之疾耶詩曰豈弟君
子民之父母夫豈弟之道凡為政者莫不念此
然行之而民不心服者以其作于人為而好惡
之私勝之耳使夫豈弟發于天資平心如鑑之
應形接物如鍾之將扣雖天之高地之厚鬼神
之無形金石之無情猶且應之况利其仁而樂
其義者乎此固為民父母之道也得所以為民
父母之道則其子從之之疾又何怪也宜其遊
心三山鳴琴一堂登高而賦之使人知仁義禮
樂之意也予圃隱河西比有客見過因問邑之
治否誦公豈弟出于自然且曰方周盛時齊人
五月報政文公猶驚其速况處今之世教化未
明而劉君治江海僻漏之地曾未十旬了無可
治則是古道復行豈不賢哉噫以客之所言證
予所聞則君坐斯堂宴斯亭登斯閣也宜無愧
于古人矣客退因序其所聞而為之詩

洋一、百里起謳吟，惠化薰陶谷水陰。明月詩
函三島秀清風，曲奏一堂深。武城浪說言游
道，單父休誇子賤音。政敏誰知遇齊國，想君
真得古人心。

古弦堂歌

俗易風移古道還，縣齋疊石作三山。因憐席
上紅塵少，贏得壺中白石閑。想見六鼇擎水
下，記曰三山坐看雙鶴落雲間。華亭每中秋
夜有仙鶴下
何須更叩黃金闕，只此幽亭是玉關。

右三山亭

畫閣峩然冠翠巒，更占艮地特巔巔。曉窓高
揖東風暖，夜幕低垂北斗寒。突兀狀驚青蜃
吐，徘徊勢若老龍蟠。嗟予勁節非徐子，那得
陳侯一榻看。

右艮閣

思吳堂詩序

朱之純

思吳堂嘉祐中太常丞吳公幾道所作也初曰
環碧亭公有惠政四十餘政年民誦不絕令彭
城劉侯來宰雲間採民所譽因至其亭見其顏
頰髮蕪沒乃喟然嘆曰昔人思邵公愛及其棠
戒之曰勿翦勿伐况此亭中冠一湖吳公歲時
與民所共樂者最為勝槩當秋分之月夜湧出
金波遇春暮之花時變為錦水若乃火雲輝空
揖清風而愠解凍雲凝地觀白雲以神清有此
佳麗荒而不修良可惜也于是增大基址飛出
軒宇寔以虹梁徘徊烟波之中浩、乎誠可樂
者乃闢其亭為堂易其舊名曰思吳所以從民
望也吳公之來予生方七歲其教條治目更麻
異政不得其詳然猶能髣髴記其去時父老悲
啼攀轅不與前進以至空一邑隨之及予壯歲
疑其得民如此乃問鄉人長者因語其施設大
畧蓋有惻怛之誠感動冥默者二三事焉如浙

右旱蝗蘇秀為甚公方下車克自痛責遂禱橫
山之神即致甘雨蟲亦避境不食其稼至秋大
稔乃出條教命民預修水利以待淫潦或停或
注達于江海已而大水暴至阡陌堅牢溝洫既
後復稔如初比及三年風俗歸厚天無札瘥地
無旱潦家給人足歌誦滿路噫此古之所謂
遺愛者宜乎去之久而思之深也今劉侯為政
豈弟又且孜孜尋訪吳之治迹欲舉而必行之

惟恐後時則名斯堂也豈非從民之望抑亦見
其人以樂取人以為善也然有疑其名者告予
曰詩人思古皆傷今之不然也以劉侯之仁民
胥樂又何吳思之有予應之曰人固有遭其虐
政而思昔人之賢以幸今之復見者則思古之
說豈一端哉當其男以田功之事畢女以織事
之休內無飢寒之戚外無賦役之勞思以斗酒
共相娛樂令于此時為之命僚佐臨清流設玉

箏金鼓喧闐于波間管弦嘈囀于堂下歌者舞者形和聲和以觀遊人士女或三或五浴、洩、洩如鷗鳥之浮川儵魚之戲藻是人之樂也皆相慶曰吳之復來矣若夫政不出此則人之不樂生今此時精耗簿書之冗力疲獄訟之煩事既無窮應亦不暇又何能俯清冷之淵笑談終日與之偕樂耶設有勉强為之雖撞鐘擊鼓人聞其聲將蹙額而相告曰欲見吳之莫得也然則此堂之作一遊一豫足以為政之勸沮而劉侯之慮有出于此其深得思吳之樂與荀卿曰欲觀于歲今日是也以劉侯之賢其樂顯前人之善如此則異時此堂復修予將期後民之所思有甚于今日矣堂成劉侯就予索詩于是序其所聞而賦之詩云

畫堂重構一湖中更述民思渤海公自昔三年留惠政至今百里誦清風波間陡覺懽聲別陌

上新傳樂事同從此邦人轉懷德悠、谷水幾
時窮

書朱象先畫後

蘇軾

松陵人朱君象先能文而不求舉善畫而不能
售曰文以達吾心畫以適我意而已昔閻立本
始以文學進自卒蒙畫師之恥或者以是為君
病予以為不然謝安石欲使王子敬書太極殿
榜以葦仲將事諷之子敬曰仲將魏之大臣理
必不爾若然者有以知魏德之不長也使立本
如子敬之高其誰敢以畫師使之阮千里能彈
琴無貴賤長幼皆為彈神氣冲和不知向人所
在內兄潘岳使彈終日達夜無忤色識者知其
不可榮辱也使立本如千里之達其誰能以畫
師辱之今朱君無求于世雖王公貴人其以何
道使之過其解衣磐礴雖余亦得攬攘于其旁
也元祐五年九月十八日東城居士書

寒穴泉銘并序

毛澤民

歐陽文忠公為大明水記云山水上江水次之井水為下山水乳泉石池漫流者上然予客東都時日從定力寺院取井水煎茶此井不知有山泉而味乃與惠山等至衡其輕重則定力之水輕是此井寧肯出山水下哉至載劉伯芻謂水之宜茶者有七等又載李季卿論水次第有二十種惠山泉蓋居第二文忠公以為不然雖亦不以為然也蓋水之在天下者人安能盡知之顧可使不知之水又盡居七等二十水之下乎水之良不過甘也一甘而第為二十差為七等又遂以為天下無水而高之是當歎吾秀州華亭縣有寒穴泉邑人知之者鮮縣令姚君汲以遺予、始知之間此邦人則多不知也取嘗甚甘取惠山泉並嘗至三四反覆嘗畧不覺有異是就余所知則惠山寒穴相望裁二百餘里

間蓋有兩第二泉矣嗟乎論水者設何容易景
祐中相國舒王有和華亭縣令唐詢彥猷寒穴
泉詩云神震冽冰霜高穴與雲平空山澗千秋
不出嗚咽聲山風吹更寒山月相與清北客不
到此如何洗煩醒此泉雖所寄荒寒宜因相國
詩聞于時然亦復未聞也余恨前人之論水者
既不及知之余欲以告今之善論水者為作銘
云

泉之顯晦豈亦有數生此寒穴與世不過美
不見錄為汲者惜泉獨知冽不計不食

新作華亭縣門箴

沈遼

政之善出于是不善亦出于是斯民何知維令
所置勿謂可欺固亦易制師言不私是乃可畏
朝而闢焉小大必治逮昏而闔以休吾吏治得
其平謂我愷悌有或不然乃門之媿
歲久摧圯會託廣西關遂其材而遷因
熙寧十

年九月一日錢塘沈遼攝令記

祭滬瀆龍王文

葉清臣

維景祐五年歲次戊寅十一月癸巳朔五日兩
浙諸州水陸計度轉運副使兼提點市舶司本
路勸農使及勾管茶鹽礬稅朝散大夫太常丞
直史館騎都尉賜紫金魚袋葉清臣謹遣供奉
官商量灣巡檢劉迪以清酌庶羞之奠致祭于
滬瀆大王之神清恩叨被朝恩出持使斧觀采
風俗詢究利病上分天子之寄下救斯民之
瘼職思其守靡敢怠違眷惟全吳舊多積水加
以夏秋霖潦田疇污沒浩一困濟人無聊生聞
諸鄉老之言患在盤龍之滙但陵谷遷變枉直
倍差水道廼遏湖波壅滯自龍乾興以來屢經
踈決未得其要不免為沴蘇秀之人皆云神故
自廟在江涘錢氏有土祀典惟黃霜星賀移棟
宇崩壞官失檢校民無尊奉自時厥後歲亦多

水且謂人不血食降災下民清臣躬行按視狗
人所欲乘乎農隙醜此江流神果有靈主斯蓄
洩敢告無風雪無瘡癘舉函而土潰決渠而水
降改昔沮澤化為壤田即當嚴督郡縣修復祠
兒春秋致饗蘋藻如故若疲吾役夫不能弭患
則我躬不閱遑恤于神惟神聰明昭鑒無怠尚
饗

雲間志卷下